

Aput Naitelekarit Kakere

Jeffersonville, Indiana, U.S.A.

64-0705

1 Ketulurwoto akwesiwok kwap kwana kelipa. Ketuluritos awokokwes ka itauon kakonyen nuka Edeke, mam eong-eong ajeni arai imwaasi ai kotoma

kane ejaas kede ailipa naekotosi kesi Edeke aitun, koipone loka aikeun akonikanin kuju? Kwana, kiting ailipakon kotoma otaukon kwana kwape kilipia.

2 Ejakait Yesu, Ijo A-Atapar, Atapar namam eonikini naka Aijar, kolele kotomakosi lolo, Ejakait, kosodi aitesegaar isio kama ejai amamus aiyuun kere ka adiakar, tetere isio ipedori aibwo Kakonyenekon kwana, ajenete ebe ejai eipud akidingosikosi, ebe ijeni isio ebe irai isio ikadiakanarak ido mam-mam ibusakinit adiorereng. Konye do nakiomooma isio nuikamunito Ngol Loabu koby kosodi ayangar akosidiakanareta! Kosodi do, nakejaatar Akeomot ne, mam erai-mam erai isio kotoma Akonyen nuka Edeke, erai Nges. Erai bon ekosiporoto kotoma Aokotoke. Ineras Akeokot. Wu Edeke, aso kitalau ikositaun kama ejai adiakar ka amamus aiyuun.

Koinakinai isio eipud loka ikositaun, naarai abeit cut kijaar isio ipudesia lu kanu aijaanakin Ijo. Kotoma ojautene kalo loitonokoki ka ariebasia, ka iboro luka kwap luibwaikinio tomakosi icesawan, kanu aisitekooria isio; kilimokinitai isio ngun. Kosodi Ngesi atemar atiar, "Mam iomitos araut nuetioko nakidoikiniata aitemisio nu." Aswamasi ngun kere kanuka ajokisikosi ka kanu aisitekor isio, ka ayangaun isio toma aiboisit ngin. Amodingo nu nukapolok nuka ajenun, nekinwangunere ikadolitok kiton araun lukalaunak, isiayalamikit isio-isio Ijo kanuka akiro kanu nuiswamanakinos isio, Ejakait. Mam isio ibuni apeleikin, mam ediopone kere ikoto aswam idiobore yenekolokina kede akoteKon. Konye kilipit isio, Papa, ebe kotoma nu kiyangaunio isio dieKon.

Ido nakilangirikiniata isio atiokisio komam bobo ipedori aikunyakina ngaren, ikeuni do isio akosikanin kasodete aiworo neejai Papakosi. Kiira do Ijo kotoma Akuj, Ejakait.

Kitangal isio, kitemok isio, kanuka Akabakanut naka Edeke.

Kisirereng Akirotokon atupuruc na, Ejakait. Akirotokon nges Abeit.

3 Ido itukokina isio ne kwana okanisa. Kilipi isio kanuka Onac Neville, ka Onac Capps, ka Onac Collins, ka ijaanakina ngul kere, ka lu-ka lumunon, idikonin, ka luce itunga kere, ka imo kotoma oruteikosi. Koraun na apaaran naibuni isio aitunun adaun aojau, kanuka Ajakutukon.

Ijai isio ne kokwap naka amun naepol atupuruc na, Ejakait. Kianyunitai ipak edit, kinyaraunitai nepepe. Ipupi isio ebe erai kanuka alosikinet. Kitodolikin Akonilosikinet, Ejakait. Naarai ilipi isio Kokiror loka Yesu, kwape kibilakinor. Amen.

Erai arereng ajaut ne ka atukokin nepepe kede ekanisa lo ilelebas itunga. Mam eong amuno idiotunganan ajaun ne atupuruc na, naarai mam eong abu ajeni, eong elopet, arai abuni ajaun ne.

4 Alomun oni napena kotoma Piladelupia. Ido alomunit eong toma, aomite ebe ajaun eong alosit Arizona katipet, kanu ajaun kede aijaanakin naka aida kanuka opaperoka, Erengan edege Jim Moseley, etelep loketiai noi, loeyongit Edeke loabu eong engarenik neejai Kristo pac, inacan iuni luka Moseley. Kosodi ediopet kakesi aibirun, ido ajai toma odege apak kaya, kosodi atwanare kanepakanen. Abu koper kotoma akim adaun isawan itomon eroko kedolokina nges. Aso Lee erai loka ikar akaisaarei ka lukanykauni lukapolou, akeberu ikar akaisaarei ka lukanykape, ido ajalaki idwe iuni ludidik; yenapolon, ikar ikanykaarei. Erono noi. Kosodete kesi...Nakeyangaunere nges toma, aso ajai aida nges apak natupakini. Aso abu eong...mam eong abu kalot. Kasodi aiwadikar ebalua, arai aijukar kede esim, nuabeit eong alosit alimun, arai nutikalim eong kotoma aidaio naka Onac Moseley. Ice kotoma oboro kalu mam oni ipedori amisiikin, konye kereka einakini Ngesi nginibore kere aswam ejok.

5 Ijai oni ne aijaanakin Ejakait, atupuruc na, ajenete ebe-ebe-ebe iyuunit oni Edeke, ebe iyuunit oni ebe einakini Ngesi aswam nginibore kere ejok cut becebec. Mamace nuerai ngin, ka eipone loiswamaunor, ijeni oni ebe ejai "aswam kanuka ajokis." Abu Ngesi kisumunikinite ngun. Ebeit ajaut koipone kangol. Icesawan mam oni ipedori amisiikin ngun, edolokini atolitolikin noi acepakio, konye kereka ajenete oni ebe erai Abeit, naarai Ebalu Ebaibuli ebe erai Abeit. Ido Ebaibuli, kanewok, erai Edeke kotoma adoketait naka enyukuta.

Kwana, ebeit oni asipokin aiyuuniwok aceboisit. Ido arai-arai eong arai idio kotoma kaoni, kotoma aijar, kitami aitolomun akerianut kotoma aijar kosodi araun, irwanapu, ekabaran loka imilinin, konye inyobo ilosi oni aswam kede ngun? Ebeit oni adolokin angeset naka erot, ido ajokis anyoin-anyoin araun ngin kamawok kapak kangin? Ianyu? Ido isirigin eraas a-apaupulai, erai ibore yenisiecere, konye mam ijo ipedori aisiecuna Aijar. Edeke bon ejaatar Aijar.

6 Aso imisiikini oni-oni ebe ijai oni ne kotoma adoketait naka aput. Ido bon ebe ejai aput, ekoto kojai ibore ilopet da. Mam epedori ajaun aput komamei ibore ilopet, itei ijo, naarai erai kanuka ibore ilopet nges

elomunia aput. Kwape tikijaatar ijo kede aput naka icebore. Ekoto kojai ibore nenice, araibo atiror, aica atiror ikongu ngin yenika akamera, arai mam do ebuni ajaun adio-adiopot. Aso nekianyunia oni ebe aijarawok kane ejai toma aput, ido ajenete ebe ijai oni toma aput naka aijar naejai nenice, aso ijeni do oni ebe ejai ibore ilopet nenice yenekamu aica, ido etodia icebore kane kotoma akwap. Ido irai bon oni aitodiaret ngin. Ejai ibore ilopet nenice. Arai mam ngin erai kwangin arai do eong etunganan loengalangalauna kakere kotoma akwap; ajar do eong akaijar titai. Konye ajeni eong ebe, juwai naka etoribe loka abunokin, ebe ejai. Ianyu? Ngin nges apolou kijaar oni ne. Ianyu?

7 Neangoliara eong yesi itunga ipote kokinga naka akwap kana, kotoma aikwenyaret naka ipak yenedit, ido icesawan aipwak aipwak, akepolou einakini eong aipup aitidisiara neabunio eong airimun kwape kana; aomoom ebe ajeni eong ebe itunga lu kane elositos amairon akwat, kanu ajaun ne kanuka idakikan idis bon luka aijaanakin, aiboi kane.

Abu aceberu kitolom aliminet, abu kolom toma apaaran kaya kosodi atemar atiar, "Kitodikinai eong neitorit etunganan ngol, ido abuni eong alosit kokauke, kokuju naka alupok, ebalu, "Angaleuni eong." Kwana, itunga aiyuunit ijo koipone kangol, ido korai ijo ekabwoikiniton loka Kristo, aso inyobodo ebeit oni aswam? Ibusakinini oni acoit noi, naarai mam bon ijo ijai amudiar aijarakon kede aronis, ijai ijo amudiar luce luetupakinis ijo.

Aso, mam eong ajeni ediodiini arai idiobore yeniyangara ijo toma. Ejai ibore idiopet yenejai akaiyuun toma. Arai iyuunit ijo eong, kotup nualimokini eong ijo. Naarai, eyuunit eong Ebaibuli, ngin nges Akirok naka Edeke. Iceboro kere ibiroros. Arai bon eong...Erai Ngesi Aijar. Erai Ngesi Akirok.

8 Kwana, ajeni eong ebe yesi...Neabunio eong ne, esiyapi eong yesi adaun aokjau. Abu eong elip Edeke, neanyunia eong bala akoto abunore ne lolo. Kijaun eong airiamununeta nuipu kede itunga ka isimun luinomununo, kaceda. Ajai eong airiamun ka ice kotoma kakesi atupuruc na. Kasodi eong atemar, "Eebo, abu Onac Neville komam abunokin kilipite eong einer." Arai nen apaaran Naikanyet. Kasodi eong atemar, "Ebuni Onac Neville aticepak ailip eong einer. Ido keswama eong ngun, elipi do eong, Edeke..." Emwana noi, amwana lem noi. Ido ejok Ngesi noi aijukakin oni edou kosodi abilar amwanis naarononoi, kosodi ainakin oni atupuruc najokan atupuruc na. Elipit eong ebe ilongari Akejokis nginidiopet kayesi kere, tetere yesi iitununete ajaut ne atupuruc na. Kojaun Akesianut ka arerengusio nekus!

9 Akuar natubor abu eong epejok epapero loadeka, erai ngol Onac Bill Dauch. Mam eong etei nges kane atupuruc na. Koiponece, mam eong etei. Oo, elo ne. Ejai ngesi...Eebo. Ido ajai eong aomoom, "Etunganan loemojongit loka apolou naka ikar akaisakanyaangon ka ludiopet, konye kororko etubitoi ailamar akwapace, kitorite amodingo, ido kokuju naka imor luikakoikitos ka irotin luerurut. Mam ebeit nges aswam ngun. Araun Edeke loejok mamake; ebeit ti nges iboie ore kosodi ajaut kede ibulesin ipukete nges ekwam, korai ngesi okoto." Konye, abu icebore iswamaikin Bill Dauch, aponi nges kourunai irwan nakiareit. Ido nakeswamaunor ngin, abu icebore kolom toma otauke, kiton ebe kere nuejaria ngesi kes ajaunun toma aijaanakineta nu. Kosodi do arai ebeit eong araut akituk naka Edeke, biai eong apedori aingalingal epapero? Ejok do eong atwanare. Aso ber do eong alim cut becebec nueraas Abeit kotoma Obaibuli. Akepolou, ngin nges Akirok naka Edeke. Ajai bon eong ainyogokin nuenerit Ngesi.

Kwana akoto eong aisiom ace kotoma Obaibuli.

10 Eroko oni esioma, ekoto eong a-alimun ebe eyuunit atibong na erai akuar naka aibil emugaati. Ido ijaas yesi ne kwape ore...Naarai, itunga luce aticepak epote abongor okaliakec, naarai ebeit kesi alosit aswam. Yesi lujaas kwape luka ne kotoma atukos, kiitutu, epote inacan aijaikin aibil emugaati atibong na.

11 Kwana, edarit eong anyarario nakawasia kanuka Africa. Mam apedorete, mam apedorete acamakin eong alomar toma kwape ekalimonokinan. Aso eipone ediopet bon loapedoria eong alomar toma, ngina... alosi eong Kenya, Uganda, ka-ka Tanganyika. Ido eipone ediopet bon loapedoria eong alomar toma... Nasodit, mam ikanisan epedorete acamakin ijo alomar toma, naarai ekotosi kesi eong alimonokin icebore kowai kalo ido icebore kowai kaje, kalaije Africa. Ido mam eong apedori alomar toma koipone kangol. Mam eong apedori araut loka esoswai koipone kangol kanu aswam ngun. Aso alimokini eong kes, "Mam, ipa, abuni eong alimonokin bon nuibwaikini Edeke otauca, odaun." Ianyu? Ido ajeni eong ejok mam ebuni araun nuetamitos kesi ainakin eong aisisianakin. Aso, aibatisao naka ikiroria iuni, kaceda koipone kangol, ka epeget kakes. Mam.

12 Konye elipiitai eong ajaun atukonokin naati, naitemokit Onac Boze. Ejai ngesi toma akapanakin abunore aanyun aica adio naka nuuyuunit oni. Ido kelipitai eong alomar ngina asubite bala alosit osapaali loka amej. Arai ecamakisi kesi eong alomar toma, bala alosit eong amej...Arai ti eong apedori adumun itunganan yenetemari ebe eyangari eong ijo amej, kosodi do arai aloma eong toma ngina, ejai emuron-emuron ngina ore loebwokinitere akwapuwok, erai opaperoka obe, loelomunit ko Chicago. Ido katipet adau eong alomar tom angina, etemari ngesi ebe, "Eebo, Onac Branham je ngina. Ebwaikisi atukonokin." Aso, akaulo naka eong adolore toma ngina, mam ere loebwokinitere akwapuwok epedori agirokin eong. Arai kismamata kesi...Aso etamitos kesi aitemonokin ngin kwana. Aso amuno eong ngin...Arai erai akot

naka Edeke, ebuni aiswamaun koipone kangol. Ianyu? I-itingikinitai ngin neejai Ngesi. Arai mam, abuni eong aitejenikin yesi. Akoto eong...

13 Arai erai ngin akot naka Edeke, akepolou, akoto eong einer nuikamunitos Arupepen Akanykaarei. Ido ebuni ngin araut nepetai aijaanakin naka apaarasia akanykauni, ido akoto eong abunore ne okanisa, aticepak. Itami oni adumun agoola naepol kane.

Kwana mam eong aomit, nuka etogo kalo loitetet loejakai aiduk kokuju kalailo, erai cut nen bec nges abu eong aanyunia Yesu irwana nasodit kotoma aitapoet. Kwana ejakai aiduk, etogo loti ejakai aiduk toma aiboisit ngipengin. Abu eong alot ngina apaaran kaya, aanyun. Neabu eong asesenia kasodi aanyun Nges itei lailo kide, kiitunitos yesi eong alimonokini yesi ngun, neajaar eong ngina elipi kanuka papaka; arai eong i-itelepat yenididi, ikalimonokinan yenisapat. Nen nges abu eong aanyunia Nges. Aikunyakin, asesen Nges; ebelokit Ngesi Akekou osiep kama ajai eong. Abu eong enyikok alosit airimirim aiboisit, egesi ekaporoto, kotoma omanikor loka anya nuaojak. Kasodi eong ainyikokin asesen, ido mam Nges abu kibelokin. Kasodi do eong aiworoor Ekekiror, "Yesu." Kosodi Ngesi aibelokin, kosodi aikiar Akekanin, ido ngun bon kes nuabu eong eitu kiton neacaunia akolong. Aso abu eong abong kotoma omanikor koaapie akwap acaun.

Aso aticepak einakini eong Ejakait alimonokin Arupepen ngun. Adioboisit kere, kismamaun akot naka Edeke.

14 Kopukosi Obaibulinikus kwana, neejai Isaia Akaisakany-...esula loka 53 loka Isaia.

Kwana, imuno oni ebe isirerengi Edeke awokogogong naedit naka abunore nepepe atupuruc na. Abunore isio nepena ko Piladelupia, neajaar eong toma atukonokin naka luka Full Gospel Business Men, apupokinit ajanaanutokec nuegelegela kaceda, kokuju kangina.

Aso ajai eong, korot, ajai eong...Billy Paul keong, ka Becky ka ipese yenididi yenika Collins, Betty Collins. Ido erai Billy ekajoton noi, ido etamit Becky, ido aso eong...Enera Betty keong. Ido eboie ngesi kokau ka Becky, koicolong loka okau. Kasodi eong aanyun icebore iswama, korot; ido, neanyunia eong, abu icebore katiro eong. Kosodi Betty, arai ejai ne, abu ngesi komisiik ebe abu eong apala einer kasodi ageun aiwadik icebore. Nen nges adumunia eong akau naka Akirok kana kanuka atupuruc kana.

15 Kwana anyoutu aibwo kakejenewok. Arai oni...Kwana ibwoi oni kanu ayongakin Akirok naka Edeke, kwape kasiomio eong Isaia esula 53.

Ingai iyuunit nukiiaret? Ido ingai epukokinitai akan naka Ejakait?

Komisiik, erai aingiset, kageunet ber sek.

Naarai kopoloor kakonyeneke kwape yenikiraa yenitosokok, kwape aliasit naelomuni kaneeonit: Emamei asubunet karaida aliogotot, tetere kiseseni nges, emamei atemelel nakisingobelei.

Aponi komenai, kongeroto itunga; Etunganan lokican,...loeinaikinit aiturur: Kwape loibwaiata itunga akecekonye komenai kwangin, komam kinyarit idiobore:

Abeit abu kibwok aituruwuk, kodaka icaniwok: Kwabo kipou aomitos bala isiriebitai, iticenitai Edeke, ereitai.

Konye aponi kimusungai kanuka epaliwok, aponi komacarai kanuka numam adolitewok: Aiticanio kanuka ainapakiniwok kojai kanges; Ikemacarin kes itangaleunete oni.

Kapaasi oni kere kwape amerekekin: Kibelokin nginitunganan korotoke: Ebwaiki Ejakait kamake numam adolitewok kere.

Aponi kimanai, kwabo...kitasono komam eongit akeituk; kwape kimerekek yeneyario aario, ido kwape ililingia amerekek kakonyen nuka ekatubon ajul: Eebo, mam abu koong akeituk.

Koyangaarai kanuka aimanit ka etube; ido luka aketur, ingai kakesi abu koomite ebe aponi kogelarai anyoun kakwap naka lukajarak? Aponi kisiriebai kanuka epali loka ikatunga.

Kobokikis akeilit nepepe ka lukaronok, ido ka lukabarak katwanareke; karaida mam kipaliikinit, kwabo komamei aingalanut kaitukuke, ka ngun nuemina Ejakait ekeriakaros kakanike.

Konye kitojokit Ejakait amacar nges; kisiturur; Ninakinia akeijar araun asubanit kanuka aronis, eanyuni akeur, iyatakini akepaarasia.

Eanyuni nupote kanuka aitaaritoi naka akeijar, ido italakarite. Kanuka aijeneke einakini

ekakejaanakinan loedolit luipu adolit: Ibwoki numam adolitekec.

Tape ekorakini nges akorakinet nepepe ka lukapolok, etiaki ingatan nepepe ka lukagogong: Naarai abu kolungak akeijar kiton atwanare, kimarakinai nepepe ka ikadiakanarak: Kwabo abu kibwok aronis naka luipu, epukori lukadiakanarak.

16 Papa Edeke, Akonikirot nges Atala, Aica naecaikini erot loka ngoliyuunan kiton toma Akonyen nuka Edeke, kwape kedakitor isio bala aica kakanikosi. Ijo nges iinakini nailosikina tetere isio iseseni angeset kotoma ageunet, ido, konye alosi eong kanuka aiyuun. Konye kwape tikelosio etunaganan kotoma amagoro naemutono kuare ido nen nges ijai oni; aica naitingit ngesi, itodikini acakakinet kiton acakakinet. Konye erot, arai ijai adokar kuju, kolot kede Aica. Ido kocaik Aica neejai Akirot, kanu aingarenikin isio aikunyakinet adiopet ngaren neejai Akabakanut naka Edeke. Naarai ilipi isio Kokiror loka Yessu. Amen.

Kiboikinos.

17 Akou naka Akirot napupi eong einarakin neejai esipan lolo erai. Aput Naitelekarit Kakere.

Epedori kosubite bala aticepak itegelikina alemun Naiwadikaere kwape kana, naka-naka aputosia nuimusungitai kakere ka nuka aario nuka Obaibuli, tetere neebalar Ebaibuli, ebe, "Ebulesit lo lokajokan kakere loaponi kisiriebai, kosodete amacar, ka aimusung," kosodi alemun akou naka Akirot kanen, kwape, Aput Nakajokan kakere. Itegelikina noi. Konye ajai eong...

Ejai ekatau aomoom, atupuruc na, kwape kibongoria oni, eswamai eong, adaun apaarasia adis. Aponi kesukunyikin eong amisiri naka amagoro, ko-ko California, kokuju ko Los Angeles. Akalosikinet nasodit naka alosit kuju ngina ates naka-naka Aimee Semple McPherson, akepwakunan naka Aiyuun naka Foursquare. Kasodi eong alosit atesike. Ido karaida etegelikina eong-eong kede aberu ngin, kwape ejaanakinan, konye, kereka, kotoma otauca, ainakini eong amin ka ayongio, kanuka-kanuka nuabu ngesi kobwoio, kotoma osawa, ka areo ka iboro luabu ngesi itor toma, ido kotoma apak naka akejaut ne toma akwap. Kosodi kanuka okokuke lominat, loerai opaperoka lotau, Rolf McPerson.

18 Kede atukos naka ijaanakinak, kipou kalototo kuju ngina. Kosodete ngul...kimameotor isio apak alomar toma...toma ai-aiboisit naecweanarere awat nukatwak, kosodete ai-aibwaikin toma a-abokis kosiep naka arwatat.

Ido kotoma kangina ejaas iceboro lukapolok, kwape nat Ainyam lukatibong lukawasia. Ido ecaikinit aica alopet naka akolong. Ido ejaatar kesi arapiaret naeinakinit ngin kes...nakelomariata kesi toma, ecai; kosodi do kwape-kwape kegeariata kesi einer, kodungiori. Ido akaulo naka apak naedit komutonor, kosodete itunga alomar kinga. Kosodete kere adumun Lukatibong.

19 Ido engadit aberu aiyeiyea naka eipone loka aitolomikin alabiro toma aiboisit na, inyobo, aswam aputosia nu, inyobo, ebunit kotoma okal, adaun ikar luipu kau. Aponi aput ngin koinakinai neejaas idwe, ido nawasia arai aberu. Ido ajaas kesi aitemonokin aput na. Ido nakelosioto kesi aije ka aicweikin a-alabiro, ainokokin ngin, naka Yuda Escariot, abu kobwanger. Aso apotu do kesi kotamakisi ngin bobo, kosodi abwanger bobo. Kosodi ngesi atemar atiar, "Aticepak mam Ejakait ekoto aput naka lokasurupuKe kosiepike." Kosodi atemar, "Arai ebwanger bobo, mam oni ibuni angetakin aput ngin." Konye abu ogogongor irwana ngin. Kosodi do, erai ngin ibore yenisirienguni, ido eipone loaraar ebe apedori ibore kwape kwangin aismamaun.

20 Konye, do, idiopet kotoma oboro lukapolok luisialamikinitos eong kotoma Amisirin nuka Amagoro, arai Michelangelo ekeon aputosia lokaumokin, a-apat naka Musa. Erai aituput ejai ngina, ajena. Mam erai ibore ilopet, konye arai eipone loka aput nakaumokin. Ido kwape abwoio eong kasodi asesin ngin, abu aminak eong-eong ngin, icebore yenesubit bala (ebwoikinit) ejaatar ibore yenepotosi ka ngin.

Aminakit eong aije iboro, ejok cut. Eyuunit eong ebe ejai Edeke toma aije apuutosia. Acamunit eong ejai Edeke toma omiusik. Ayuunit eong ebe ejai Edeke toma osube. Ejai Edeke nginiboisit kere. Ido idiobore kere yenengolopikina kede yenikageunet erai aitapaario. Ejai Edeke toma aikosi; mere eipone loka aikosi naiswamaete yesi kane. Konye naejaatar odwe ka adwe nuka Edeke toma Omoto loka Edeke, itei ijo, erai ngin aikosi. Konye bala kwape araar oni aiketakin kede kiton isawan ikanykauni tupuruc, kokuju kangina kotoma okokoro, ngin nges aitapaarioke.

21 Konye, na, ka aput naitelekarit kakere nabu-nabu7 Michelangelo kosubunit, abu-abu koyangaik nges icebore kanu aswam ngun-ngun. Arai ngesi etunganan lokaumokin, abu koyangaik apak naepol naka aijarake, naarai ajai ngesi ikaru luipu noi, noi kotoma aikep. Alemun amoru naka-naka marble, kosodi ainyikokin aikep. Kosodi, asesin, etunganan bon, ekakeon elopet ejaatar aput toma aomisioker naatamit ngesi aswam. Nges, erai nges ejaatar. Ipedori ijo alosit ngina kosodi alimokin nges, "Inyobo ijai ijo akepakin toma amoru ngin?" Kaneejai loka okinga, lomam ejeni ibore yenejai toma otauca, emamei ajokis. Konye neejai etunganan ngol ekakeon elopet, ejaatar aitapoet toma aomisioker, ibore yenetamit ngesi aismamaun, ido etamit ngesi ido etamit ngesi aitolomun ibore yenejai aomisioker kotoma adoketait naka-

naka aput naejeunitai. Ngin nges apolou ejaar ngesi abokun ngin kotoma omaru.

22 Ido nu, kanu aswam, ekoto ijo arasakin ageun aswam cut, kageunete, ido ejai ijo aitup eipone loejaar aput. Ianyu? Mam ijo ipedori alemun itutubet yenedit, kanu ageunia, "Ijeni ijo iswamau ngin koipone kalo; mam, acamunit eong ebe..." Mam, ekoto nges kojaatar aput alopset cut bec. Ido kotoma aomisioker kojaatar ngesi aput ngin. Ido mam nges epedori aitegelikin kotoma aput kangin. Kwana, kanu apedor aswam nu, ajai ngesi ainomun kotoma aomisioker, naarai kimameotor oni aputosia akulepek obe nuka Musa, konye ajai ngesi adumun aput naka aomisioker kotoma aijeneke, naka loarai Musa bec.

23 Kwana, ekejean lokabeit isinyikokina, kwape bala ekewadikan lokabeit, arai ekawoon lokabeit, ikaramak emusik, nuepedori ngesi korai kere. Kere lukabeit epote kanuka aisinyikokinio. Akoto Michelangelo kodumunite aisinyikokinet. Naka loaputor Musa cut eipone loaputor ngol. Kosodi ngesi aikamun ngin kotoma aomisioker, kana nuarai Musa. Aso abu ngesi kibwaik ngin toma atutubeteke naka amoru, atutubutut kanu aitolomun aput, ka aitolomun, ka aikep, kiton neadolokina ngesi aiswamaun aput naka nuarai ngol kotoma aomisioker.

24 Kosodi do kibecoki ngesi ngin cut ejok, kangolisooda, kanginiboisit kere kiputaritete, ido akonye da cut kojaas ejok, nginitimat, ka amasiribut, kere cut bec kwape ajaar, abu ngesi kobwo kaneelwana kosodi asesen ngin. Ido aoomooi eong-eong nuka ikar lu-lupu luka autara luka aitaritai, ka eipone loabu koyangaik nges adongit aitapoet ngipengin apak kere, kotomsa aomisioker, naka ibore yenalosi ngesi aswam. Ido koomoom ber ijo, atapoet ngin kotoma aomisioker adaun ikar luipu, kanu aiswamaun ngin cut koputo kwape kajaar! Abu ber ngesi nasodit ikam aitapoet, ido eipone loabu koyaingakina nges aswam kanu aitodolikin aitapoet ngin, atubonor ka aswam! Ido neabu ngesi kitodolikin adoketai nabu ngesi kitekoro ngin, kiton naketokoror cut ejok: abu ngesi kobwo kosodi asesen ngin neangetakina ngesi atupuruc kangin, kotingite enyodo kakanike.

Ido abu ngesi kisinyikokin nakengoliara aput ngin, naarai abwoi aput najai aomisioker koingareneke, korai do ibore ilopset. Ibore yenabu ngesi koanyunite, kosodi e...akeomisioker naka eipone loaputor Musa, ajai do nen itodiara kakonyeneke, ibore yenajaatar ngesi kotoma otauke ikar ngul kere. Ka autara, ka isawan luka aiturur ka aridakina, ka aitoroneta, ka nginibore kere, konye kereka abu ngesi kosalak cut kede aitapoet kiton nakengetakinor.

25 Ido Nakengetakinor, abu ngesi kobwo kokau kede enyodo, arai enyodo loka ekajeen, kotoma akanikan, kosodi ngesi asesen aput ngin. Ka aisikinyokinet naka aitapoet nabu ngesi koanyunite, naka eipone loabeitor aswam ngin, abu ngin kisinyikok nges kiton nges...Abu aisinyikokinet ngin kotiro nges kiton ngesi aibwo naka aput kangin, kosodi ainom ngin akungike kosodi Atemar, "Kiner!"

Kwana abu ojaun aromait toma aput ngin, kotoma akung, kotoma akung nakitetet. Kokuju naka akung, nepetai iches ikanykape, toma aiboisit (edokokinit eong akakan kujuke) idul kwangin.

26 Akaulo naka nges ayangaikin apak ngin kere, ikar ka ikar, kanu aiswamaun na; ido korai kokwap naka-naka aisinyikokinet naka aanyun ebe itodolikin ibore yenabu ngesi koanyunite kotauke ka kotoma aitapoeteke, ido epuda aanyun, ebe angetakin ngin. Ido nakengetakinor, esinyokokina ngesi noi kiton nges aoomomm ebe ebusakinit akeput naetelekarit kakere kiner abongokin nges. Kosodi ngesi ainom ngin akeju, kosodi ailulukin kobala ebe, "Kiner!" Kosodi aiswamaikin aromait tomake. Abu kiswamaik aromait neejai aput.

Kaneka, aromait nges abu kitarau ngin aput naetelekarit kakere. Kwana, aticepak kaneajaas aomisioker nueoomoete koipone kalo itegelikina, ipedori ijo aoomoom ebe abu ngin komuna aput. Mam, kaneka, abu-abu kitarau ngin nuarai ngin. Abu-abu...Kanu naarai akaulo naka ikar luipu luka aswam naka acoit ka aitaritai, ka aisinyikokina, kaceda, luka aiswamaun ngin, abu aketaaritor kitodun ebe mam arai titai. Etokoro, ido ngun nges ainakini nges iworo kobala ebe, "Kiner!" Naarai abu ngesi koseseni koingareneke ebe (abu) kopedo aiswamaun, aitodolikin aitapoet ngin najai toma aomisioker. Ido kanuka ngun, kokwap naka aisinyikokinet, abu kiswamau ibore yenajokan, kotoma obore yenikatitai. Abu kinom ngin, kosodi aiworor, "Kiner!" Itei ijo, timam nges kiswama ngun korai ngesi koomounite. Konye mam nges abu aoomoomunit aoomoomoun. Arai aisinyikokinet naka aanyun ibore yenajaatar ngesi toma aomisioker esipo ejok koingareneke.

27 Aitaritaike, ka aitapasuna, ka akuaresia nuaajak, ka agolorio kinga kotoma akwap adaun apaarasia ka aticepak ainyam emugaati. Kosodi-kosodi aiput ngin, kosodi aibwat kau, kobala ebe, "Mam, mam arai kwangin ajaar. Kwana ekoto ikonak neeta," kosodi aiput ngin. Kosodi do nakeanyunia ngesi ngin, itekoro, akepolou abu do ngesi koany ibore ilopset. Aput naka ibore yenajai toma aomisioker abu do korau ibore ilopset, abu koraun ibore obe, aso abu do kolom kotomake. Ido arai ibore ilopset cut tetere ibusakinit nges aiworo ebe, "Kiner!"

Kaneka, arai aitodiaret. Arai -arai aisiyalamikinet neejai aswamuke, ebe aswamuke alopset abu kisinyikok nges, ebe abu ngesi kojaun awai naka akuanake tetere inomi ngin kobala ebe, "Kiner!"

28 Abu eong abwo kangina kasodi asesen aput ngin. Abu eong aomoom nuka isawan loabu etunganan ngol kibwaikinite, kanuka aitolomun ngin. Aponi kolimunai ikar luabu koyangaik. Konye arai-arai aitodiaret mamake, naarai arai ainakinet neejai-neejai aswamuka nakaumokin naka aije, aswamuke nakaumokin naeswamai ngesi. Ido awasiake kepedo ngesi aitolomunngin, aumokina ngin noi.

29 Kwana apukos ber oni apapula, naka Michelangelo, kasodete agolokin eitabo.

Kasodete apukor Eitabo ece kasodete aisiom nuka Ekejean Ece, Lokapedor kere. Loabu, naperoko akwap kesuba, ido naperoko epesikina apetetait naka akwap, abu kojaatar toma aomisiokKe nuakoto Ngesi, ido akoto Ngesi aiswamaun etunganan kotoma asimaKe. Akoto Ngesi aiswamaun icebore yenerai ibore ilopet naka ngin yenarai Aitapoeteke, yenajai toma aomisiokKe.

30 Kwana, kaneejai Michelangelo, arai ngin ibore yenajai aomisiokKe.

Ido akoto Edeke aiswamaun etunganan kotoma asimaKe, Ekajeon lokapolon, kosodi ngesi alosit aitemonokin ngol. Ido ianyuni oni kwape abu Ngesi kitolomunia kotoma oboro luejeere. Aticepak ibore yenisodit araas agaria, kotupakini ikweny, kosodi-kosodi do ibore lueliatos kotoma akwap, ka-ka iboro luipu luabu Ngesi kitolom. Konye, awasia, kwape aoomooma, nuka araut Ekasuban, ajaatar Ngesi...Mam nges arai bala etunganan, kwana, ekajeon loelemuni ibore yenedaunitai aswam sek, tetere ikeuni aput. Arai Ngesi Ekeon loka iboro Lumam Edaunos. Arai Ngesi Ekakeon loapedori aisub ka aitolomun iboro ngul luajaatar Ngesi toma aomisiokKe aswam. Arai, kowai kaje, apedori aiswamaun ibore yenitwasama yenakotosi Akeomisi.

31 Ido kwape ageunia Ngesi aswam iboro lueliatos, bala kwape itiang lukotoma akwap. Kosodi Ngesi ageun aitolomun kotoma ngul kiton neejai ibore ice, yenikeinika. Kosodi do awasiake abu kitolom ngin kiton araun itiang lukapolok, kwape nat engatuny, erisa, adubu. Kosodi aitolomun ngin kiton araun a-a-aijar naka-naka aticepak idokolen ka icomion, kaiceda. Kwana, mam erai esube loka aijulanakin ibore idiopet kiton neejai yenice, kwape kiomitor oni ebe elomunit kaneejai e...Arai esube loangetakina; Edeke iswamai koipone kalo enapitere.

Konye awasia kobuni do toma akwap, aitekoro, ido arai ngol etunganan. Ido apedori Ngesi angoliar kotoma otunganan kangol, abe aputos ka Ngesi. Ido kwana neangoliara Ngesi ngol, arai aitodiaret naka ibore yenarai Ekesubanike. Abu kwana Edeke kopedo aitolomun ibore yenakoto Ngesi, etunganan kotoma asimaKe elopet.

32 Ido aticepak apedori eong atemar, neejaas nu, ebe, neasubunia Ngesi etunganan lo, ajai ibore yenekamanara kede ngol yenaroko elomuna ejok, naarai ebe ajai ngol-ngol kanuke bon. Ido kwape kwangin nges ajaar Edeke, kanuKeng bon; Erai Ngesi Lomam Adaun. Ido etunganan kwana, kotoma asima naka Edeke, nges da ajai toma akwap kanukeng bon. Aso etakani abu Ngesi konang egumi kosiepike lokediany, ido kanen abu kolek etutubet nabu kopakun kotomake kosodi aiswamaun ikengarakan, aberu, kwangin mam do bobo ngol ajai kanukeng bon. Arai ngesi-arai ngesi, ajaatar ngesi icetunganan nepepe ka nges. Ido Akeswam ngin nakaumokin.

33 Kosodi, Ngesi, kwape ekejeon aputosia edio kere apedori alemun ake-aka-akeput naitekarit kakere...

Kwana, nasodit ber, ajaatar Ngesi aput naetekarit kakere naerai Nges Elopel. Konye kwana abu Ngesi koany aput ngin naetelekarit kakere ebe asilikinit, kwape ajaar Ngesi da, aso abu Ngesi kotiak aput naetekarit kakere koipone loka ainom ngin kosiepak kosodi aitolomun ikengarakina.

Ido kwana, kanu aitarauun iarei kwape idiopet, abu kibwaik kes, bala kwape ekakeon aputosia lokaumokin, toma aiboisit nai-naibus...

Mam e-keon aputosia epedori aiswamaun aput naitelekarit kakere, kosodi ayangar ngin asipokin toma okorido nenice, araibo aibwa kotoma togo. Kwape kalimokinitor oni Ejakait, "Mam itunganan inokokini atala kosodi airupakin toma obukit." Nakiraunor oni aput naitelekarit kakere naka Edeke, mam oni kibwaio kotoma okoridon kanenice. Ibusakinit oni-oni ainakin Aica.

34 So iseseni oni ebe-ebe Nges, akaulo naka asubun aput na naitelekarit kakere, abu kosipok laiye toma akwap, kosodi aibwaikin toma aiboisit naibus kakere najaunar, kotoma omanikor loka Eden. Abu kosipok aputoKe naitekarit kakere, iarei kwape araatar idiopet, komanikor loka Eden. Eipone loetakani abu ngin kisialamikina Nges, ebe abu Ngesi koany aputoKe naetelekarit kakere ejai ejok. Abu Ngesi, akaulo kangun, ianyuni oni ebe abu iyeng; ajai Ngesi iyalama noi kanuka Akeswam.

35 Kwana kiitu ebe, akaomisiokit, aput naetelekarit kakere nges ebela loabu kinom aput naka Musa naka Angelo Lokalaunan kotoma aiboisit naidarere aputosia.

Ido arai ainomasit ngin nabu kocil esiep loka aputoke naetelekarit kakere, nges abu kitolom ateran. Ido kwana kiseseni oni kes kwape ekal loka aput naitelekarit kakere komanikor loka Eden. Eipone loebusiar! Ido abu ngin kitelel nges noi Nges, kiton Nges-Nges adumun aiyengun. Ebalu ebe, "Eong,

eyenguni.”

Konye napejai aiyeng ido komunokina Akeput naitelekarit kakere, kolomuni lokasurupiKe toma kosodi adumun aput na nakaumokin naitelekarit kakere. Kosodi ngol, kede aingal, aliaun kokwap naka a-arwatatin nuka omanikor, kosodi ngol-ngol abu komuna aput na naetelekarit kakere. Abu ngol-ngol komuna ngin, tetere ngin ibiror.

36 Kwana atamit eong asesen esawa ngol. Ido abu eong elipite Mike, ocenika, aramakin edongot kotoma adakikan akaisauni, konye eong...Mam nges iswamat ngin, ido adau eong idakikan kaisauni. Konye, erai, enyikokis ber oni mot. Ianyu? Kwana, mam eong akoto a-aibil ikisila lu. Abu eong-eong eswamau ikisila lu, itei ijo, ido eong-eong...ido ijo ajaun ne aibil ikisilakon elopet.

37 Kwana koany, aso, aput na naetelekarit kakere. Neabu Satan ikamuna aput ngin, ekengalat, abu kobelun kotoma arwatatin, kosodi-kosodi ngol amunaar aput na naetelekarit kakere. Naarai ebe eipone loabu ngol kismama ngin, inyobo...Eipone ali abu ngol kismama ngun? Abuni eong alosit aidulokin toma ngun. Eipone loabu ngol kismamaunia ngun, arai...Aput na naetelekarit kakere alukunitai kede Akirot, Akirot naka Edeke. Kosodi aput alopet naetelekarit kakere, naka ekal, arapiaritari kede Akirot na. Konye atutubet nabilunitai, naponi kobilunai awai kama ejai nageunet, abu kolot adepar arwatat ngin, koinakini ngin Satan arereng kanu amunaar ngin. Ido kwana ijenete yesi nueyuunit eong kotoma nuikamunitos iboro ngul, aso mam ipuda bobo eong alimun ngun. Konye aponi kobulunai aput naitelekarit kakere.

Konye, Aput nakaumokin naitelekarit kakere, neanyunia Ngesi abiror naka Ekekal, aput naitelekarit kakere, mam nges epuda ajalakin ngin apero kanen, koluri kwap, kosodi amudiar. Abu Ngesi kolot toma aswamisioit, katipet, kanu adukun ngin bobo. Mam nges akoto ebe emudiar ngin, aper kangina koipone kangol apak kere. Naarai, erai Ngesi Edeke, ido mam nges ipikorio. Aso, abu Ngesi kolot toma aswamisioit katipet kosodi ageun aiduk, bobo, toma Aputoke Elopel, etunganan.

38 Kwana, idumuni oni ebe abu akwap naka apak naka akalele kobu kosodi amudiar ibore ngin kere, naarai atutuketa nuaponi kismamaunai, aponi kismamai kojaas nutupitono, "Arai mam ijo ibuni aswam nu araibo ebe arai kismama ijo ngun." Abu Edeke, Ekeon lokapolon, koany ebe mam etunganan apedori-mam apedori airic aitutuket. Mam Nges epedori aswam ngin. Emamei eipone cut.

Kotoma airimun kede icetunganan idakikan idis kau eneras eong itunganan kotoma agoola, yenejai ne kwape kwana. Ebal, "Konye, Onac Branham, kijaar eong iboro luipu noi luejeni eong-eong ebe ediakara." Ido a-aberu naeyongit Edeke.

Eong ebe, "Konye-konye, koany, inac, mam iseseni akonikuan. Erai nuerai ekoniipud ka nuijai ijo atamit aswam. Ido arai teni abeit imina ijo Ejakait, kotam aijaanakin Nges kede akonitau kere, ido kwangin akonidiakanareta kere ibwaitai kotoma Aokot nuka Ejakait Yesu." Ianyu? Itei ijo, abu Ngesi kismamau ewai.

39 Aso abu Ngesi kogeu kwana, alemar etunganan kama ejai Akeitutuketa, nuka-nuka atemar ebe, "Arai kismama ijo, eswamai Eong." Kosodi Ngesi ageun kede etunganan loanyaritari Aburaam, kosodi ainakin Aburaam aitutuket, namameete nutupitono. Kanginipak naetegeara Ngesi aput naitelekarit kakere, adumuni Satan ngin, naarai Akirot...Konye abu Ngesi itegea kede Aburaam, ebal ebe, "Adau Eong aswam ngin." Kwana mam na erai neajaas nutupitono, mere nu...ngun-ngun, "Arai kismama ijo, eswamai Eong," konye, "Adau Eong aswam ngun." Kwana Nges, e-Ekakeon, emunokina Ngesi ajaun kede aput na naitelekarit kakere.

Kosodi do, anyoun kaneejai Aburaam, kopote lukapapa. Kosodete lukapapa cut teni...Kwana inyobo ajai Edeke aswam? Ejai Ngesi adukun aput naitelekarit kakere nabu kibiror. Aso, kotoma lukapapa, losodit loianyuni oni nges arai Aburaam.

40 Kwana kosesen, kanginiput ibwaikinitai toma apetetait, ekakeon. Aput naka Musa naeswamai Angelo esipo kotoma atutubet naka amoru naka iputin iuni- arai iwongon. Ejaatar apetait. Aso, abu Edeke, kotoma aitemonokin aput na, abu kosipok ngin toma apetetait naka lukapapa. Ido apetetait naka lukapapa, nasodit, arai Aburaam, kobuni Isaka, kobuni Yakob, kosodi Yosep, ikoonai iwongon.

Ido, kwana, arai Aburaam apetetait naka aiyuun. Alimutu ber oni ebe ajaatar apeteta. Aburaam nges arai apetetait naka aiyuun. Apetetait naka amin arai Isaka. Apetetait naka asianut arai Yakob, asianut naka Edeke neejai Yakob; idiotunganan kere ejeni ngun. Konye kotoma Yosep nges arai aitegoro, ngina nges apedoria Ngesi asipokin aput; mere toma apetetait nasodit, apetetait nakiareit, apetetait nakiuniet, konye toma apetetait nakiwongonet.

41 Abu Aburaam kitodiarite Kristo, ejena ngin; kwape kwangin Isaka, kotoma amin. Aburaam da kwape kwangin, kotoma aiyuun; Isaka da, kotoma Amin; Yakob da abu kitodia, kanuka asianut. Naarai, Yakob akepolou "ekengalat," ido ngun kes nuarai ngesi, konye ajai asianut kanges. Konye niadolokina neejai Yosep, emamei ibore yenikitoronitere nges. Mam karaida ikwacunet idiopet, naarai apetetait da ibusakinit korai aput naitelekarit kakere. Neabu ngesi kolimokina papake, enabi, "Alimokin Parao ebe eraas

ikonitunga ikepitak akituk ido mere ikecokiok, naarai ecokion erai amorosit kaneejaas etunganan luka Omisiri."

Konye neadolokina enabi lomojong ngaren naka Parao, abu kotema, "Eraas ikonitunga ikecokiok." Aso abu ngin okwaca ngin, itei ijo, ngin nges einakinin ngin eroko erai aput naitelekarit kakere.

42 Kwana epesinitait apetetait, kotoma aiyuun, amin, asianut, ka aitegoro, kama ejaas lukapapa.

Kwana aswam naka akuan nabu kobu neejai aput na naitelekarit kakere araas inabin, arai Akirot. Amuno eong ebe ipedorito yesi aisiom ngun. Ianyu? Inabin; mere ikisila! Inabin, araas inabin aitodiaret naka Akirot nges iswamaunit akuan; mere lukapapa. Inabin, araas kesi Akirot.

Awasia, kwape abu Ngesi kogeuna kotoma apaarasia nuka Musa kosodi ajesun kwap kotoma onabin, neejai nginidiopet. Ido, awasia, adukun akuan, ejai aiyatakin aapun apak kere. Ido lokapolon kakere kakesi arai Yokana Ekebatsan. Abala Ebaibuli kwangin. Abala Yesu kwangin. "Emamei etunganan, loeurit aberu, loeumokina kwape Yokana Ekebatsan," naarai arai ngesi apedori aisukunyikin Akirot.

43 Kosodi do kobuni, awasiake, Akou nakapolon, Akou naka ngin kere. Akuan kere inera nuka Ngol. Lukapapa kes apesikinete apetetait; konye aponi kodukoi akuan kede Akirot, naerai inabin; ido kane kobuni do Akou naka ngin kere, abu Yesu kobu toma aswamisiot. Kangina, nebwaikinere atutubet na naerai Akou tomake, idumuni oni ebe kotomaKe aswam kere naka akanin nuka Edeke. Idumuni oni kotomaKe aitodiaret naka Akirot, naarai arai ngesi Akirot, aileleba naka Akirot. Kwana, bobo, ejaatar Edeke Aput naitekoro naitelekarit kakere bobo.

Kwape abalar Isaia, "Koany Ekabulesit, Akaput naitelekarit, naetodia eong kotoma aturio kere naka abunore naka Loitegoro. Ido kane ebwoi Ngesi cut koingareneKang, itikoro!" Kanen, kotoma asimaKe alopet, kitodiarite Edeke! Naarai abala Ngesi, kotoma Yokana 14, "Kiany ijo Eong, kiany ijo Papa."

44 Kosodi, do, "Kageunet kojai Akirot kojai Akirot mama ejai Edeke," kosodete apakun kosodi aitodiar nuarai Akirot kageunet. Nges, Akirot, kitodiara kotoma Aput naitelekarit kotoma asimaKe elopet, Edeke ebonguni bobo kotoma aputoKe elopet, ejautene loka Akirot itodiaritai kotoma aput naka etunganan, Aput naitelekarit kakere.

Inabin kere ajaatar aroma; kere araas atutubet. Konye kane, kangeset, abu kolomuni kitorite toma ngun, awasia kobuni Aput naitelekarit kakere, Naitekoro, emamei aibucaret kotomaKe cut, aitodiaret nakajokan noi naka Ekakeon elopet, Asimake Obe kitodiara kotoma aswamuKe. "Edeke ka Kristo araas Ipe," noi kiton Nges aibwaikin Ekemoyo Obe tomaKe, kosodi do Aput ka Ekakeon araun Ipe. Edeke ka Ekeswam naka aike, Akeput naitelekarit kakere! Neabu Musa-arai Musa, kotoma aswam naka Angelo Lokalaunan, arai e...arai Michelangelo, atemas; arai a-aswam natwan naka ekakeon, naarai eswamatai kama ejai amoru. Konye kane, Ekakeon Lokapolon, naengetakina Ngesi aitekor aswam naka akaniniKe, abu Ngesi koloma tomaKe.

45 Etokoro noi Ekalakunan loka etunganan, etekoro noi, ayongit Edeke noi; konye kereka, komamei aibuses tetere iseseni Nges. Neabu Okoku loka Edeke lokajaran loauruni abekot kitekoror noi, ido kitidisiara, ido kotoma asima naka Edeke, kiton neabu Ejakait lokapolon Loabu koyangau Akeijar kotoma onabin...Ido arai Ngesi aitodolikin naka inabin kere. Etegoro Ngesi noi, kiton, keanyu Nges nu abu, abu kinom Nges kosodi aiworor ebe, "Kiner!" kwape abu Michelangelo kismama. "Kiner!"

Ibala ijo ebe, "Erai tape ngin kwangin?"

Marako Eijiri 9:7, ianyuni oni ebe, kokuju Moru loka Aijulakinio, neabu Musa kobwonia kangina, ekisil, ebwoi Eliya da kangina, inabin. Anyoun kokau cut kaneejaas imakio, lukapapa, ekisil, inabin, ka ngul kere ebwoiete kangina. Ipupi oni Eporoto ijusun kwap kodouon, kobala ebe, "Lo nges Okokuka; kiiras Nges!" Ido arai ilosete yesi apupokin, ebeit Nges kiner. Erai apaarasia adis bon anyoun apak nakecumere Nges. "Lo Nges Okokuka, Loalelia Eong loaleli Eong aiboi kotoKe. Enyong Eong Nges. Adau Eong ikar ilukumun iwongon kanu aiyangaun Nges kiton ne. Ido kwana, itekoro noi, ebeit eong aicum Nges tetere Nges inera. Kiirasi Nges! Erai Ngesi loitegoro. Nges, erai Ngesi Aput naitelekarit kakere."

46 Kiitu, Etodiaritai Nges apak kere, kokau kotoma Atutuket Namojong.

Ianyuni oni Nges erai Atiida kotoma amodingot, naponi kinomai, Atiida kotoma amodingot. "Erai Eong Atiida najai amoding." Konye arai ngin amoru nabeit ber abunore toma aitekoroke. Konye kotoma ojautene loka aitupuset atupakinin Ngin ekanisa, aimat kamaKe ngul luapedorete aimat, ainakin Aijar neejaas ngul luapedori Ngesi ainakin Aijar. Konye arai Ngesi Atiida kotoma amoding. Mam nges etaraunitai etunganan ber. Erai bon ngesi aitupuset.

Abu Musa koany Nges enbwoi kokuju Moru kalo. Abu koany Nge3s etubor, kosodi ngesi atemar atiar, "Erai epur loka etunganan." Itei ijo, ajai Ekakeon aitodiar neejai Musa, loarai asima nabeit Kristo araun, loabuni Aput naitelekarit kakere aputokin kede. Arai epur loka etunganan, neanbu kotuboror kotoma

ammodingot.

47 Kiitu, abu Angelo kiworo kosodi ainom aput, kobala ebe, "Kiner!" 0787330322

Konye eipone loetegelikinar ngin kaneejai Edeke, Ekakeon lokapolon. Neabu Ngesi kiswamauna etunganan kotoma Aisimake Obe, etekoro noi kiton ebe etodiarit Nges, enera Edeke kotoma aput naka etunganan, kitodiari nuabuni Ngesi aswam. Abu kiner kotoma onabin kwape ajaatar ngul toma aput nabeit Nges araun, kwape ajaar Ngesi ayangaun ngin kiton neejai Akou. Konye neabunio Ngesi kotoma Akou, arai Ngesi asima kere naka Edeke; etodiarit Ngesi nuarai Ngesi Elopet. Kosodete, aicum kanuwok, kwana erai Ngesi Aput naitelekarit kakere mamawok, ainakineta naka Edeke, Yesu Kristo, Aijar Namam Edaun. Amuno eong ebe mam oni kimurwokini ngin.

48 Kwape kisesenia oni kotoma apaarasia nuka amuton, kwape kisesenia oni itoribei ibirununos! Neadwaria, eong, erai aibelonokineta adis bon nuka akolong. Kodaun akwap na." Ijenete yesi...

Bian, aongon Olap Loikanyetekaarei. Nges abu Thomas Jefferson icikakina akan toma alimoret naka aipugaikin bon, nges kede atukot nace ya najai kanges, kosodi edongot loka alacakinio aruikin, kosodete aitejenar oni kwape luipugaikina bon, kwape akwap. Kwape ejaatar kotoma akiro nukolo, mam ejaunar apugan naeseunitos itunga kotoma apak adio adaun adepar ikar akwataarei. Ido arai nen okar 1776, Olap loikanyetekaatei aongon. Ido ideikina oni ikar itomon ka ludiopet bon, ido arai kiswamaunos ngun, ebuni aibil akiro nukolo.

49 ido iseseni oni ejautene loka apak. Iseseni oni ejautene loka itunga. Iseseni oni ejautene loka epugae. Iseseni oni ejautene loka akwap. Mam epedori aibwo. Ebeit alumor, bala ameeru nanyaritai Titanic. Ebeit kolomu kwap, naarai erai nakec anyainikin apak, enyaikini akwap adiopet nace apak, kwape kibiroror. Ido akabakanut na ebeit aibiror, nginikabakanut kere, kanu anyaikin apak neejai Akabakanut ngin naebunit, namam epedori aibiror. "Naarai idum oni Akabakanut namam epedorio aijangijang," kotoma aput na naitekoro naka Edeke, Aput naitelekarit kakere.

50 Edeke neasesenia Nges, abu kisinyikokin noi! Abu Ngesi noi...kanu aanyun Ngol koipone kalo abu Ngesi kongoliara, kosodi aanyun ejauteneKe, abu Ngesi kisinyikokin noi ebe abuni araut Aput naetelekarit kakere naka Ekalakunan, Yesu Ekalakunan. Aso, abu Edeke, kanu Nges apedor ainomio, Nges elopet; naarai, kanu aitaic aitisilareteKe Elopet, abu Edeke ka Kristo koraunos Ipe, tetere Edeke epedori ainomio kotoma aput, apedorio Nges aimusung. Ido ngun kes abalar Isaia ebe, "Kipou kaomitos bala isiriebitai, iticanitai Edeke ereitai. Konye aponi kimusungai kanuka epaliwok; aponi komacarai kanuka numam adolitewok, aitanio kanuka ainapakiniwok kojai kanges, Ikemacarin kes kitangaleunete oni."

51 Aput naitekoro, Etunganan loerai Edeke! Edeke, kotoma ojautene loka etunganan, abu kijulakin kotoma ojautene loka araut Edeke kiton aitapoet, kosodete aitapoet aitopolor kiton araun aput. Kosodete aput ainom tetere Loarai Edeke epedori aiir aipup naka atwanare, Aput naitelekarit kakere naitekoro naka Edeke.

Mam Nges apedori aswam ngun kotoma ka Musa. Mam apedori aswam ngun kotoma onabin; Isaia, loaponi kotubutuboi kede imusumenun kiton naketubutubere nges aitarau atutuben. Mam apedori aswam ngun kotoma onabin luaponi kibiribiroi. Mam apedori aswam ngun, naarai mam Nges apedori apupun ngin; arai ngin atutubeteKe.

Konye Aput naitekoro naitelekarit kakere, arai Ngol aileleba naka Edekeone kotoma akuan. Mam Nges apedori aitodiar Musa bon, apedori aitodiar Eketungane kere kotoma Otunganan kalo, kosodi aiir atwanare kanuka etungane kere. Aput naka Edeke naitekoro naitelekarit kakere! Abu Edeke, kisinyikokin noi kanuka aanyun Ngol, abu koraun Ekalakunan loka aturio kere; kanu einer kanuka ngul luajaas kokau, luajaas sek, ka kwana da.

Aisumuneta kere aponi kitodolikinai kotomaKe. Arai Ngesi Atekoru naka aitekoru. Aponi kitodolikinai nginitupuset kere kotomaKe; Ekalakunaniwok Lopajan, kotoma Rusi ka Boas; Ekainakinaniwok loka ekisil, komoru Sinai; Enabiwok, kotoma amodingot, kwape kabunio komoru, kwape kabunio kamoding, kwape kabunitor kotoma Aijar Namam Edaun kosodi araun etunganan, Asima naitekoro!

52 Edeke kotoma aturio kere, ejai adukun, kaneejaas lukapapa, kosodi aiswamaun Akepetetait naebwoio, kosodi aitolomun kes kotoma oboro luegelegela luapedori Ngesi apesikin apetetaitiKe toma. Kotoma kalu abu kogeu adukun Akekirot, inabin. Kosodi do, awasia, abu kobu kaneejai Enabi loetekoro, Apetetait naetekoro, aitapoet naetekoro najaatar Edeke.

Ido kwana, kanu na apedor einer, erai Ngesi Akirot. Kosodi kanu Akirot apedor einer, ekoto koloma toma Aput. Ido kanu aput einer, ekoto kinomai. Ebuni Ngesi neejai Aput ngin, ido tetere epedori einer, Ekalakunan loitekoro.

Kere aitupuseta nuka Aitutuket Namojong aponi kitodolikinai kotomaKe. Kwape alimunitor eong apaaran kaya, Yawe loka Aitutuket Namojong nges Yesu loka Naitetet. Eebo.

53 Bala kwape luipu kayesi, ikiliok, angor, luka aturika; atapit oni ajaut, anatar akwapuwok kere, iketemonokinak igoen luipu noi luko China. Napekageunatar itunga luko China alomun toma, apote kesi kodoket loka oto, elosete kowai loka okide, koponitos kakwap naka Okide, koponitos kowai lo. Ido kwape kaponiata kesi, araas kesi itunga lumam ajenete angajepewok ka iwaitiniwok, konye araas kesi iketemonikinak igoen luajokuka noi. Ido mam kes apedorete aiwadik ebalua tetere ti ijo ipedori adumun ikonigoen obe lukabeit.

Konye, etunganan lo China, adumuni ngesi akaadin nuipu komamei idiobore kotomake cut. Aso neabunio ngesi aomun igoenekon, alemuni ngesi akaadi na kosodi aicil koiponece; kosodi ainakin ijo atutubet adiopet, kosodi ngesi asalakin kede atutubet nace. Ido, kwana, ejok adepar nuijaatar oni kwana, naarai nakibonguna ijo aibura lueraas lukon, ekoto atutuben ngun aarei korucokinos. Mam ijo ipedori aituput ngin korai ti okoto ijo aswam ngun. Emamei eipone loiswamaet ngun. Ipedori ijo aijerun ibaluan, konye mam ijo ipedori aituput acilunet ngin. Ekoto kibecokin cut ejok kede atutubet nace ya. Kanuka ngun, igoen luaroko luabu ijo, oyanga toma ngina, ipedori do ijo alakun ngul kede abalua kana, naarai eriamanara kede abalua naponi kitirianikinere.

54 Ido neabu Edeke, kanuka inabin, ido kokwap naka ekisil, kotubokina adiakar; ido ekisil emameotor asianut, elimokin ijo bon ebe irai ijo ekadiakanaran. Konye Neadolunio Yesu toma aiboisit, arai Ngesi aitodolikineta, arai Ngesi a-atodolikineta naka nginibore kere yenabu Edeke kisumunikite. Arai Ngesi aput naetekoro, naaputos bec naka aisumuneta. Kanuka ngun aisumuneta kere nuka Aitutuket Namojong aponi kitodolikineta kotoma Yesu Kristo. Mam apedorio aitodolikineta kotoma Musa, mam apedorio aitodolikineta kotoma onabi edio, konye aponi kitodolikineta kotoma Aput naitelekarit kakere. Abu ibecokin cut kere ngun naubalai ebe alosi Ngol araun.

Kwape kwangin ebeitor Ekanisa da araut loerucokinos kede nginibore yenisumunikite Edeke. Ekoto korait itutubet yenepakunitai awai kotoma Ngin. Aso arai abu losodit korai Akirot, kwape kwangin da eraatar ngul luelemunitai kotoma Ngol Akirot, kanu aibecokin osiepih naka Ngin.

55 Kanuka ngun, etunganan lo China, ipedori ijo kobala...Neetubokina ijo, ekisil ido kobala ebe ipwokuna ijo, ido ikamunito ijo akiro, ido apedori ti aibwakin ijo ojeera. Konye neabunio Ngesi, arai Ngesi Aput naitelekarit kakere kanuka ngin, naapedori alemun ijo kinga; kosodi ainyakun ijo, araut-araut apapula naileleba, alakunio nabu Edeke kisumunikineta kokau komanikor lo Eden. "Ebuni akoniur aidecidec akou naka aur naka emun. Konye, Aketitibat ebuni aidecidec-aidecidec akou naka ngol."

56 Kwana ianyuni oni Aput na naitelekarit kakere nabu Edeke kongetak. Kwana, arai Ngesi ngun kere nuesumunikitai Nges araun. Erai Ngesi aisumuneta kere. Adwaranuto kere, nginibore yenesumunikite Edeke. "Idecideci Akoniur akou naka emun." Kwana, mam Nges apedori aidecidec ngin kede ekisil, mam apedori aidecidec kede inabin, konye abu kiswama ngun neabu Aur naka aberu koraunor Aput naitelekarit kakere, Kristo. Arai Nges Amoru nabu Daniel koany epakun komoru. Arai Nges apedori aidicakin. Arai Nges apedori aidecidec, aidecidec akou naka emun.

Abu Akeijar korocokinos, bec, kede aijar naka Musa. Abu Akeijar korucokinos becebec kede aijar naka Daudi. Aanyutu ber oni arai tape arai, arai tape erai Ngesi Atutubet naeupanara.

57 Koany Daudi, ekabaka loangeritai, kotungake. Arai ngesi...Apak adiopet nakejaar ngesi...Okokuke obe anyoun asurwokin nges, kosodi atiak ka atiakar ajore naka Isirael. Ido aponi ngesi, Daudi, aponi kirengearai, kirengearai iketunga obe, koicolongoke.

Ido korotoke anyoun, ajai etunganan loangara nges, ido ajai ngesi alosit kangina, kimuikini Daudi aimul. Abu ekedaran kolek ekeleng, kobala ebe, "Acamakini kereka eong akou naka ekingok kangol, loemuikin ekakabaka aimul asalakin mamake?"

Abu Daudi kotema ebe, "Kojalak ngol kanuke. Edeke elimokinit nges aswam ngun."

Mam ijo itei? "Etunganan loka aiturur, loanaikinit ican. Ebwoi bala Imerekek, koingaren naka ikatubon asonyok, kililingi." Ngul...Abu kolim ngun. Aticepak mam ajeni nuenera da.

Konye nepetai ikar akwatakany, akwatakanykape ekaulo, arai adepar nen mot, alosi Okoku loka Daudi korot kangupekangul, kosodete aimuanakin Nges aimul. Konye koany nuapotu kiswamaunos neabu, Daudi, kotoma ake-kotoma ake...nearaunor ngesi loakerit; ido kotoma akeritike kinga naka akwap, neabonguna nges-neabonguna ngesi, abu etunganan ngol kingainga kanuka ainapakin ka aitim. Karaida ngol lukenomete Nges eanyuneta Nges kapak adiopet neabonguna Ngesi.

58 Ido idumuni oni ebe, kotoma Yosep, ebe arai Yosep isapat yenaunio naetegelikina, lokawasia, atutubet nakokuju naka apetetait, neabeit aput naitelekarit adukokinio toma. Ageunit kotoma aiyuun, kiton neejai amin, kosodi asianut, kobuni do toma aitekoro. Ido abu kiswama kwangin, anyoun akeje nukageuneta, kobuni kiton aitekoro naka Kristo. Koany eipone loaraar ebe aponi kitodiarai Nges kotoma Yosep, loarai kuju naka apetetait, loetekoro kakere kotoma ngul.

Idumuni oni ebe aponi kourunai Yosep kokalekec. Ido arai loalomunit kaneejai aberu namanyitai, ejok cut, naarai aberu naka Yakob. Ido koany, bobo da, nakeurunere nges, amina papake nges; ido kongaras ikenacan, komamei akirot. Inyobo areitotor ngul nges? Naarai arai ngesi Akirot.

Ianyu ijo apetetait alopet? Kosesen eipone loabu apetetait kobunio? Kwana, kosesen ber ijo Akou naka akuan, ebuni. Kwana kosesen Akou naka Ateran ebuni. Arai Nges Akirot.

Kosodete kesi angaran nges naarai arai ngesi enabi. Aseseni ngesi iboro lukoingaren, kolimonokini kes. Apotu kiswamaunos. Mamace karaida apotu kodautu aojau ainyoin, abu kiswamaun kwape kwangin. Ido kanuka araut loemoyoikit, aponi nges kirengearai kama ejaas ikenacan. Ebusakin ti kes kominas nges. Konye apotu koreutu nges, naarai arai enabi ido emoyoikit. Kosodete angaran nges.

59 Koany, aponi nges kogwelarai kanuka atutuben akaisauni nuka epuesa; kocakakinai aipany, ido koomitos ebe atwana, konye aponi kolemunai aipany. Ido kotoma apakike naka acodunio, kotoma ojeera; ajai ekedaran ipegei ka e-ekenoman emugaati, ijeni oni ebe aponi kitajarai ekedaran ipegei kosodi ekenoman emugaati atwanare. Ido kotoma ojeera loka Kristo, komusalaba, aponi kitajarai ediopet kosodi loce je aolior; ikokolak iarei, ikadiakanarak iarei

Ido ianyuni oni ebe aponi nges kolemunai kojeerake, kiton akan nakoteten naka Parao; tetere ebe amamei itunganan yenapedori einerakin kede Parao, dimikito bon kitor neejai Yosep. Ido neanyounio Yosep koicolong loka Parao, kosodi arupepe aruikin anatar Misiri kere, alosi ngaren aduonor kobala ebe, "Kokukokinos akungin, nginitunganan, ebunir Yosep!"

60 Kwape kwangin ejaunor kede Yesu. Eipone loaminar Papa Nges, ido koreitos inacan luka odiini, komamei akirot. Aponi kogwelarai kanuka atutuben akaisauni nuka epuesa, kwape ajaar; kosodete aibwaikin aipany, koomitete ebe atwana. Komusalaba; abu ediopet kotwana kosodete aitajar ediopet loce. Kosodete aikeun kuju komusalaba; ido iboie kakan nakoteten naka Edeke, kama ejai Lokalapolon kakere, Emoyo loabu kitodiar kotomaKe. Ido emamei itunganan yenapedori ainerakin kede Edeke, dimikito bon kotoma Yesu Kristo. Koomoom nuikamunitos ngin! Ido nakejalakina Ngesi eicolongKe, konyouni alosit, "Eruikini arupepe, kosodi nginikung ekukokin ido nginingajep elimori."

Kiitu ebe, arai ngesi okoku loka akerianut. Ngini bore yeneswamai ngesi akerianar. Arai kotoma ojeera, arai adionoisit kere, alomuni cut ejok.

Ido mam kereka Nges isumunikit Ikedwe ebe ebuni ainakin ngini bore kere aswam ajokis? Arai erai adek, ojeera, atwanare, ican, idiobore kere, ebe abuni aswam ajokis neejaa ngul lueminas Nges. Abu kisumunikite ngin, ido ibusakinit korai kwangin. Ebeit kojai. Idedelei, abu kinerak oni kotomaKe. Arai Ngesi aput ngin naetekoro naka Edeke. Kwana kianyuni oni, kane da, ebe neebonguna Ngesi bobo...

61 Kiitu, abu Yosep kanuka apukokinio kitajar akwap kanuka akedwaranut nakaumokin. Ti akwap ketwana korai mam erai kanuka Yosep.

Ido ti akwap akwap etwanit korai mam erai kanuka Yesu. "Naarai komina Edeke akwapin kwanata, ebe abu koinak okokuke loteluna, tetere yeniiyuuni Nges kinyek aolior." Edeke ayuari Aijar.

62 Ipedori ti oni alosit ngaren ido ngaren! Naarai, arai Ngesi kapatan arucokinet naka Daudi. Arai Ngesi arucokinet naka Yosep. Ngini bore kere itodiaritai arai yenadwarit Ngesi kotoma Aitutuket Namojong, abu korucokin cut toma ngun, (Inyobo ngin?) aitodiar Ekalakunan loitekoro. Ebe, ipedori abwaikin inapenewok lueroroko aiboisit nailosere, abongorete abwap kes bobo. Adaun ailotar kotoma Aokot nuka Imerekek. Ipedori oni aiburaun lueraas luwok. Ido ngini bore yenabu Ngesi kotwana kanuke, ipedori oni aiburaun. Aso, arai Ngeszi Akirot naetekoro, kitodiarita.

63 Abu kisialamik Edeke, Ekejean lokapolon, ainom Nges, ka aswam ngin koipone kalo. Iseseni oni Nges kotoma Isaia kane, kwape abu eong asiomia, "Kipou oni kere amwangata Nges, kipou kebelokis ireetiniwok kama ejai Ngesi. Amamei aibuses tetere kiseseni Nges," nginitunganan enera nuikamunitos Nges, akenar Nges. Enera eong nuikamunitos Nges kwana kotoma apak kana, nginitunganan kere akenara Nges. Ianyu? Kipou aomitos Nges, kipou aanyutu Nges." Aomit akepolou ebe, "Asesen." Kipou aomitos ebe aponi kimusungai ido kisiriebai Nges Edeke." Konye kereka, Nges, inyobo ainakini Nges iswamai nu? "Aponi kimusungai kanuka adikanaretawok; komacarai kanuka numam adolitewok."

Kwana, ipedori ti oni alosit ngaren ido ngaren kede ngun, konye acamunit eong ebe ijaatar yesi aput naka nuapeleikinit eong kwana, Edeke edukuni bobo Akeput naitelekarit kakere.

64 Konye sirikimurwok oni ebe kotoma ageunet neabu Ngesi kinomia esiep loka Adam, abu koleme icebore kosiepike.

Kwana, ainomio naka Kristo arai kanuka alosikinet, ebe tetere Nges elemuni kamaKeng, ituganan, kanu araun ekal, Ateran; tetere elemikini Nges Ateran. Aso neetekore Akeput naitelekarit kakere, ajai do Nges ainom Ngini, kanu alemun kotomaKe; mere atutubet ace, mere esube ece, konye naka esube

kangopekangol.

onaceka, mam iomoomoi nuaronok kanuka nu, konye koomoom ber ipak edit. Arai abu Ngesi kolek kama ejai Ngol, esube lokageunet, kanu aswamaun Ateran kanuKeng, mam Nges abu kiswamaun esube ece. Abu kolek atutubet naka losodit. Ido, arai abu Ngesi korai Akirot, inyobodo ibusakinit Ateran araut? Ebeit araut Akirot nakageunet, Edeke lokajaran kotoma Akirot.

65 Kimberley, South Africa. Apak adiopet ajai eong nebokere diamonds, eipone loabokunere kuju kotoma alupok. Kasodi eong aanyun kes eperete kangina. Kede, da, ekapolokiniton ecuma ngol, arai aiboisit naebokere ibokan, arai ediopet kotoma otungaka luengaranakinete itunga okokoro loka ailipanakinio. Kasodi eong aanyun ebokat ngol loka diamond, arai eketiai itomoneta luka ilukumin luka idolai, etukokinitai nepepe, konye mam emiliaunenete kokwap naka aica. Kasodi eong alimokin ekapolokiniton loka aiboisit naebokere, eong ebe, "Inyobo mam kes imilaunaniata?"

Ebala ebe, "Lokapolon, mam ber etubutubutai kes. Ebeit kes atubutubio. Ido, ketubutubi, kogeunete do aitodianar aica." Ikoni nen.

Ibusakinit Aput naitelekarit kakere atubio. Koany, atubio kanukinyo? Atutubet adaun atubor awai? Mam, mam. Atutubet naetuboritai awai, iswamaunere ipisoi luka icuma yenenyaritai victrola, ido ipisoi ngul luka victrola ibwaikinio toma a-a-arekoda erai ngol emiusik lomam etakani akwap. Konye erai episo nges itolomuni ngol, itolomuni eijlule lokabeit loka Akirot.

66 Ebecokina Akeijar kede naka itunga kere. Abu kisialamik Edeke aicum Nges. Ido, kwana, inyobo ainakini Nges icumi Ngol? Kanuka akirot kangipekangin nainakini Nges icumi Adam.

Kwana iseseni oni Nges inomitai, inomitai Edeke ido isiriebitai Imerekek yenitegoro kanuka ikadiakanaran-ikadiakanarak earitai, Aput naitekoro naitelekarit kakere.

67 Kwana, adaun nepetai ikar ilukumin iarei, ajaun Edeke bobo iswamaikini Nges Aput naitelekarit kakere. Naarai, abu Ngesi kinom Adam kanu alemun a-...atutubeteke, atiakuneteke, amaran kanu aiswamaunia aberu kanuke. Ido kwana Aput ngin naitekoro naitelekarit kakere nabu Ngesi kicum ko Kalvari, abu kolek atutubeteKe. Erai Aitutuket Naitetet, odaun. Abu Ngesi kitodolik Aitutuket Namojong. Kwana erai Aitutuket Nakitetet, acetutubet naebeit aitodolikinio. Itei ijo, Nakitetet ka Namojong eraas ekiliokit ka aberu. Ianyu? Ido abu koyangaik Naitetet aidwa-...Namojong aidwar Nakitetet; kobuni Kristo, Aput naitelekarit kakere, kanu aitodolikin ngun. Kwana Aketeran ebuni aitodolikin nuejaas Aitutuket Nakitetet. Ejai Aput ace naitelekarit kakere toma aiswamaunio.

68 Kwape abu koyangaikinia Nges ikar ilukumin iwongon kanu aiswamaun Aput naitelekarit kakere; kwana ejai lem Ngesi; adaun nepetai ikar ilukumin iarei ejai aswamaun Aput ace naitelekarit kakere, Ateran naka Kristo, Aput ace naitelekarit kakere. Kotoma aswam ngin, iswamai Ngesi ngin kede eswamaeKe lomam cut ijalanakin, eipone ngopengol loabu Ngesi kiswamaunia Aput naitelekarit kakere; Akekirot. Ngol nges eipone kiswama Ngesi Akeputosia naitelekarito kakere, naarai epedori bon Ngesi araut Aput naitekoro naitelekarit kakere nakeraar Akirot naitekoro.

Adipua, agasia, iboro luicumakinio, ebuni abil. "Etuboros Akuj ka akwap, konye Akirot mam ebila." Kiiunito yesi kotoma atubio naka ebokat loka diamond, ebe ekoto ijo kojaatar ibore yenitwasama yenitegoro kanuka aiswama ngun, mere idiotutubet kere. Aanyunitor eong itaanin luka acuman kangun nuiriete itoritos tomake, kosodete aitorio cut itaanin ngul lutiek toma, aitorio ediamond ngol toma, Mam, mam ebili ediamond ngol. Ekoto kotuboi.

69 Kwana ejai Ngesi aswam ibore ngipengin kotoma oswamaeKe lomam ijulanakin. Idumuni oni ebe, kotoma Malaki 3, ebala Ngesi ebe, "Arai Eong Edeke, ido mam Eong ejulanakin." Mam Nges epedori aijulakin Akeswamae.

Kwana, kwape kageunia Ngesi kotoma Aburaam. Akaulo naka aput nasodit naetelekarit kakere, abu Ngesi kogeu kotoma Aburaam, kotoma apetetait, adukun aceput naitelekarit kakere.

Abu Ngesi kogeu kotoma Apak nako Pentekosit, adukun Aput ace naitelekarit kakere, Ikinyomit yenikageunet, Akirot. Abu kogeu kotoma Okanisa losodit. Inyobo arai ngol? Ikinyomit, Akirot, Akirot itodiaritai, aisumunet naaponi koinakiniete. Abala Yoel ebe, "Ebuni atodolikin kotoma apaarasia nukawasia, Ebala Edeke ebe abukokini Ekamoyo neejaas awat kere; edwarete idwekus lusap ka lupesur, irujaete ikusimakio airujasia, ianyunete akusitumunak aitapoeta." Nuabuni Ngesi aswam kotoma apaarasia nukawasia, iarei, ikar ilukumin iarei.

70 Koany, ido abu kogeu kwape kageunet. Kwape kabalar Yesu ebe, "Erai Akirot naka Edeke Ikinyomit yenabu ekayean koyeik." Ido Ngesi arai Ekeyean. Akirot nges arai Ikinyomit. Ido koany, idiokinyomit yenesalakini bon mam cut iswamauni idiobore. Ekoto kodo toma alupok kanu aitolomun akeraito bobo. Kosodi Ikinyomit, Ekanisa ngol loitegoro, abu kodo alupok ko Nicaea, Rome, nebu koraunor ediini.

Kwana, yesi luisisiaete akiro nukolo. Kiitutu. Ido yesi luilosete apupun atepu na, kongicata ngin kosodete aanyun arai mam ngin erai abeit. Abu ekanisa kotwana ko Nicaea, Rome, neabu kolemana aisisianakineta ka italesio, aiboisit naka Akirot nakageunet. Inyobo arai ngol? Abu Edeke kitodunite, kanuka Ekanisa losodit, ebe arai Ngesi Edeke. Abu koinak Ekanisa aitekoro; konye Ekanisa, kwape ikinyom kaluce kere, ekoto kodo toma alupok kosodi atwanare. Kwana, abu kodo toma alupok, kosodi atwanare, kosodi aicananar awai.

71 Ijeni ijo, abu eong asiom eitabo, kane pac. Abu icetunganan kiwadik e-etabo, kobala ebe, Edeke Loililingi. Aticepak isiomitor ijo ngol. Emurwokit eong, aomit eong-eong erai Brumback...Mam, mam eong, mam eong ajeni loarai ngol. Konye mam eong apedorit aitun. Ajaatar eong ngol toma aisisiaka. Edeke Loililingi, ebal, "Edeke, kotoma okar elukumit luka aturio nukamuton, abu kosalak ililingi ido mam abu ikeu akan, kosodi asesen ikeyuunak luaponi koarai elosete aibwaik nuka ingatunyo; kosodete aicweo Iromayon; aario naiponesio kere; angor elacenario ikecenapen, akim icweinikinio otimizec loaojak, kede akinyet, kosodete ainokonokin akim tomakec." Kiitu, itim luuriesik nasodit ageunete ko Rome. Ido angor nuka Ikristayon ajaatar itim luaojak, aso erupanakinio kes-kes toma akinyet kosodete ainokonokin akim, kosodete aicwear kes, ido kolacaranitete igoen; kitanere kes ingatunyo. Kosodi ekewadikan lo alosit alimun ebe, "Aibo ejai Edeke ngol?"

Oo, amudukanut naka etunganan, icesawan! Mam kereka yesi ijenete ebe ebeit Ikinyomit ngin kotwana? Mam Nges abu kotam alakun kes. Apotu kolototo kotoma aipikor. Apotu kolototo, koyiete ka atwakare, koinanakinete aijarakec. Inyobo? Arai Ikinyomit. Ajai adoere toma alupok, kwape, nasodit, elimokinitor oni Yokana. "Icokat yenakimait, ekoto kodo toma alupok kosodi atwanare kangina; ido mere atwanare bon, konye aibos da." Konye mam ediini ngol ajeni ebe aroko Aijar ngin ajai toma ngina. Karaida ekanisa kotomake elopet...

72 Kotoma Airiamun ngin nako Nicaea, naka apaarasia atomon ka lukany naka aisiec aomisio nuka epugae naaleete aokot, nealomuniata lukapolok kosodete akotokin airupakin lukapolou lu toma okanisa. Ido inabin alomunete kotoma amodingot ngin kangina, enyamete atagoro ido konapitos imukulen luka itiang, inabin lukabeit, kosodete acakanar ngul kinga. Inyobo? Ebeit icokat adoere toma alupok. Ekoto kotwana.

Abu kotwana kotoma aturio nukamuton, kalaije kakidingos naka agasia naemutono. Aomitos kesi ebe adaun ngol. Ijeni ijo, Yokana Eijiri 12:24, abala Yesu ebe, "Arai mam ecokat loka loka akimait edoi kwap kotwana, esalit ikoni nepenen." Ido Ekanisa losodit nges araito ngin, Ateran ngin, Ecokat ngol, Akirot itodiaritai, loabu kodo toma alupok ko Nicaea, Rome.

73 Kopupok, Ekanisa, anatar akwapisinei kere luepupunete nu. Akonigasia ngin, nges idiinin ngul. Nen nges aponi kibubukinere Akirot, kosodete acamun aingal. Ido adaun akwat ka akwat nuka ikar luka aturio nukamuton, Apedor ka aitodiaret naka Akirot aponi kibwai kama ejaas akwapin. Arai Etulikane bon epugai. Ijeni oni kere ngun, kwape kisiomio akiro nukolo. Arai epugae loka Atulik bon.

Konye, mam ijo-ijo ipedori aibwa Icokat yenejari, Ejai alomun naarai (inyobo?) ejai Ekajejan lokapolon toma aswamisiot. Elosi Ngesi adukun bobo. Aso abu Ngesi...

Abu Icokat kodo kwap, Akirot.

74 Kiiany oni Paul Lokalaunan, Petero, Yakobo, Yokana, ngul kere luewadikaete Akirot. Ido apotu kesi kiwadikata, abu Akirot naewadikaete kesi kojar, kosodi aijar, kosodi aijar. Ido nakianyunia oni, akaulo nageunia ationore, abu Yokana kogeu kotoma obaluan, aponi kocakarai toma Apujan nako Patumo akaulo naka ainokio kotoma akinyet adaun isawan akaisaarei ka luongon. Konye ejai Akirot alomun. Ebusakinik kiwadikai. Mam kes apedorete ainokar Emoyo Lokalaunan awai kotomake, kede akinyet, aso abu ngesi kolom. Mam akeswam angetakina. Abu kotwana atwanare naka nginiduc.

Polycarp, loarai ekesisian loka Yokana, abu kinyikok ayangar Akirot ngaren. Ido kama ejai Polycarp kolomuni Irenaeus. Ido Irenaeus, etunganan lokaumokin loka Edeke loeyuunit Eijiri lopelo loiyuunit oni, "Ationo Akirot." Etamit ekanisa acuun Ngin kinga.

75 Awasia abu kodol Nicaea, Rome, ido kangina abu kodo toma alupok, akaulo naka Martin Lokalaunan, kosodete aiar. Eyuunit Martin Lokalaunan ibore yepeyen yeniyuunit oni. Abu kobwo kede ibore yepeyen; aibatisao naka Emoyo Lokalaunan, aibatisao Kokiror loka Yesu. Abu kobwo kotoma oboro ngupengul luibwoio oni. Ido arai ngesi enabi, ido eyuunit Akirot naileleba naka Edeke. Ido awasia aponi kibubwoi, kosodete aneikin toma alupok kosodi apero kanen adaun akwat ka akwat nuka ikar, kiton neabosiara kokinga, Icokat. Abosiasi awat numojong. Ajaunar eong toma Saint Angelo, toma atesin, kasodi aanyun neapotu ngul kotwakinikis, ka akecekojo nuabilibila ka nginibore. Apotu awasia kobosiasi kiton akecekojo da abosiar, konye aroko Aijar ajai nen.

76 Ecokat loka akimait loabu kodo alupok ko...kotoma Airiamun nako Nicaea, abu kogeun aiwolun bobo, kotoma Martin Luther. Bala kwape ediomudunga loejai alomun, arai akimait; akaulo naka icok abosiar,

kipilun aijar. Kosodi ageun ayangaun Martin Luther. Inyobo abu ngol kiswama, ibore yenisodit? Ainger ediini loka Eitulikane, abu kitepeg ngol ebe arono. Naarai, abala ngesi ebe, "Ejari ikadoliton kanuka aiyuun." Araibo ngin inyo? Aijar naadit agogong mot nabu kitolom akwii adis. Arai ngin naka Luther. Abeit cut mam eputosi kede ecokat loabu kodo alupok, konye ejai Aijar alomun kwana.

Kosodi alosit adolokin toma atorom. Ido inyobodo abu kiswamaun? Kotoma apaarasia nuka John Wesley, inyobo abu ngol kiswama nakeyangaunia aitalaunio? Abu kosalak kede Akirot. Ido inyobo abu ngesi kiswama? Apotu luka Lutheran korautu erionget kosodete aiswamaun erionget, aso arai do apak naka icebore aiswamaun. Ejakai adukun aput naitelekarit kakere kwana. Inyobo abu ngesi iswama? Inyobo abu ngol kiswama? Abu kitepeg ekanisa ngol loka Igeresan, abu kolom kotoma aisikwarunio kwape iporoto yenedakit aturot. Inyobo ngin? Ejai ecokat adolokin toma Aijar, epoloi kwana.

77 Kwana mam atorom eputos kede icokat, karaida iporoto ngin yenedakit aturot.

Kwana, inacan luko Penetekosit anatar akwapisinei kere, akoto eong yesi apupokin, onaceka. Arai erai na Aisiraret nakawasia nabuni eong alimonokin, Erai na akaput naitelekarit kakere. Naedoi toma alupok, nakegeunia abongor araun ike-ikecokat bobo?

Kosesen esube. Esube, erai cut bec, Edeke. Edeke iswamamai kotoma osube, erai kere nuedepori Ngesi. Konye anyoun kotoma aisikwarunio naka Pentekosit, kwape keomitotor kesi, ebe arai Icokat; mam arai. Kwana kosesen. Konye abu icebore kolom yenaputos cut kede Icokat. Kwana kosesen nuabu Yesu kotema, kotoma Matayo Eijiri 24:24, ebe, "Imoyon lu iarei kotoma apaarasia nukawasia apote araut luepotosi noi nepepe kiton neitapaara Luseunia korai tikopedor."

78 Kwana atorom ngin mam eputos kede icokat; karaida iporoto ngin yenedakit aturot mam eputosi kede icokat. Konye koany kwana, mere kotoma apaarasia nuka Luther, kotoma apak nakawasia.

Ibore yenisodit. Ejaas akoriok luka akima iboiete kane. Ibore yenisodit yenelomuni kotoma ocokat yenakimait, ti ijo nepetai kiomoom ebe erai icokat, konye (inyobo ngin?) erai abokoyat. Iswamauni ngin ibore yenididi yenokinga, bala kwape, kanu adakit icokat. Iswamauni ngin abokoyat. Konye mam abokoyat erai icokat, mam edeparit kwape ajaar akiot arai atorom. Erai bon naedakit aijar, icokat yenakimait. Yokana Eijiri 12, itei ijo, Yesu inera.

79 Akimait, akaulo naka iporoto kangin yenedakit aturot (akaulo naka Wesley), kitolomuni abokoyat, naeputosi noi kede ecokat loka idiobore kere. Eputosi noi abokoyat kede icokat. Ejai aiswamaun noi bala kwape ecokat apak kere, ngol loabu koloma alupok. Ido nealomuna, atorom, ejaatar Aijar tomake, konye cut abeit mam erai ecokat. Kobuni iporoto ngin yenedakit aturot, atur, eroko ngipengin mam erai ecokat. Kolomuni do abokoyat, ido erai kwape ejaar esubune loka akimait, cut becebec kwape ecokat loka akimait, konye kereka komam erai akimait. Cut kwape ejaar esubune loka akimait, cut ejok noi.

Apotu luka Pentekosit kolomutu bala kwape akimait. Nginidiopet elomuni kaneejai loce, elomunit kama ejai loce, konye eraas bon kesi ibore yenedakit ecokat. Elosete kesi odiini. Ido ngun kes abu Pentekosit kiswama, abu kolot toma odiini. Ido inyobo apotu luka Opentekosit kiswamata neadolokina cut alomun bala ecokat? Abu ngol kobongo cut ngina, bala kwape kotoma Apukokinio 17, neejai inaciwok adiopet naka odiinin. Ngun cut kes nuabu kiswama. Ngun kes abala Yesu.

80 Kwana koany. Elosi Eijiri alomun kotoma Luther, kotoma Wesley, toma Pentekosit, ido kotoma apaarasia nukawasia ebuni aitapaar Luseuna korai opedoros. Luseuna! Oo, inacan luko Pentekosit, mam kereka yesi isesenete?

Akimait kotoma ageuniteke eputosi cut bec kwape ecokat, neegeunia aiswamaun kwape ecokat, konye erai abokoyat. Arai ediini, cut becebec eswama ibore ngipengin yenepotu kiswamata kalailo kotoma Luther. Kotoma Apukokinio 17, itogogongoorit ibore ngipengin, yenika ikanisan.

Kwana, Icokat yenika akimait, kotoma ageunet, abu kodo ko Nicaea, naarai ngol nges arai ediini losodit.

Koany kane, aijar naajai neejai atorom, iporoto yenedakit aturot, kere kwana engetakini kotoma Ocokat. Aijar naalomuni kotoma Ocokat losodit, abu kitor toma adokena nuegelegela (adokena auni nuegelegela), kosodi abongor kiton ojuateneke losodit, Aleluia! Oo, ikatunga! Eong nges etunganan loeyalama kakere kotoma akwap, ebe ainaki Edeke eong aanyun Nu. Kosesen eipone loitekoror Akirot ka lu (esube) iswamai nepepe.

81 Bala kwape kitogogogotor oni ajarun; alomun, akolong; alomar naka akolong; alomun naka akolong bobo.

Akiot ererar kotoma okitoy, kangina, emina toma alias; kobonguni bobo, kobonguni bobo akiot kede ngol. Edoi alupok; ematari aijar naka ekitoi ngin ainyakar, calicium ka potash, kosodi ainyakun ngin cut neejai akiot ace bobo.

Itei ijo, esube kere, nginibore kere eupanara cut kede-kede Akirot naka Edeke. Ido ikoni neeta, becebec, kaitekoro kotoma Atur kana naka Ekanisa. Ngin nges apolou nabu Emoyo Lokalaunan kobunio kosodi airiun iboro ngul, kosodi aitolomun kes kanuwok eipone lokeswama Ngesi. Cut becebec.

82 Koany, kane, Aijar naajai toma abokoyat. Toma atorom, ido toma aliliget naedakit aturot, toma abokoyat, kere etukor toma Ocofat. Ido Aijar naajai toma atorom, abu kolot, adiopet abu kolot aiswamaun nace. Itojokio, nges abu kiswamaun erot kanuka aitalaunio; aitalaunio nges abu kiswamaun erot kanuka aibatisao naka Emoyo Lokalaunan; aibatisao naka Emoyo Lokalaunan, nges eswamauni erot kanu Emoyo Lokalaunan Elopel abunore cut adolokin toma aitekoro, abongor neejai Akirot bobo, kanu aitodiar Nges Elopel.

Konye, ibore yeneraun ediini, etwani. Bala kwape Aijar, kotoma Luther, abu kolot aiswamaun Wesley; ido-ido, kotoma Wesley, abu kolot neejai Pentekosit; ido, anyoun ko Pentekosit, alosit aiswamaun Ecokat losodit. Ko Pentekosit, kolomuni kotoma Wesley, kiton apak ngin. Apolou nainakini Pentekosit elomuni kama ejai Wesley, naarai mam arai ediini, Pentekosit mam arai. Kolosi Pentekosit araun ediini, kosodi (inyobu abu kiswamaun?) abu kobongor neejai abokoyat. Asubit bala Ibore ilopet.

83 Ido, idiotunganan, imwaasi bo ai eanyunitotor ecokat-ecokat loka akimait egeuni aitolomun akou? Inyobo ibore yenisodit? Erai cut bec kwape icokat, konye erai abokoyat.

Itei ijo adokena ngun auni? Atorom, aliliget naedakit aturot arai aturot; kobuni do abokoyat; kosodi do, kama ejai abokoyat, kolomuni do icokat lokageunet. Ianyu? Mere Icokat; arai Aijar naka Ecokat, epoloi kotoma kalu, adolokin toma Ocofat. Amen, amen! Yesi isesenete ngin? Inyobo ngin? Ajarun, abongun neejai Aput naitelekarit kakere bobo, bala kwape kaya nabu koloma toma.

Abu Pentekosit kolom kotoma Wesley, naarai arai Wesley erionget. Kolomuni Pentekositt kinga, kwape lomam erai erionget, kosodi aibelokin araun ediopel. Abeit araun, kanu aiswamaun abokoyat. Akirot nakabeit naka Aijar kotomake, ajai orotoke do araun Ecokat lokageunet, kotoma adokena kanu. Kotoma atorom, kotupakini aturot; anyoun araut aturot, koton araun abokoyat; kosodi anyoun araut abokoyat, abu kiswamaun Ecokat.

84 Emamei, atorom, alilinget naedakit aturot, abokoyat, ejari, apotu kitolomutu (kotoma aisikwaruniokec nalingakini) abakuli nadakit acetutubet naka Aijar naka Ecokat; konye, neapotu koraunatar erionget, abu aijar ikunya kotomake. Itogogongotoi ngun kede akiro nuiwadikatai nukolo. Mam cut erionget kiswamaunitor idiobore akaulo naka araun erionget. Abu kodau atwanare. Abeit ngin.

Kosesen, ejai Aijar alosit ngaren kwana.

Koany, nueswamata, nueswamata lu kere, kitogogongoritos akiro nukolo nuiwadikatai cut becebec cut kwape kabunio ekanisa, amamei ajokis kotomaKe bobo. Epesikiniitai erionget toma abokoyat. Mam ejaunar edio, kotoma akiro nukolo nuiwadikatai, ekanisa, akaulo naka araun erionget, kidimarai bon ebe abu kotwana. Kosodi erionget atwanare ido mam abu konyou bobo. Yesi mam isesenete ngin? Itunga luimudukak, kopukosi akusikonye! Esube ka Akirot erucokina nepepe ido kojaas itogogong ngin cut ejok kane ebe erai Na Abeit, erai ngin Abeit. Ejalakini Aijar ngin atorom, kanu aiswamaun, aliliget naedakit aturot; konyouni kaneejai aliliget, iswamauni abokoyat, kosodi anyoun kaneejai abokoyat kobongori toma Ageunet bobo. Koany, mam bobo cut ajokis kaneejai Ngesi.

85 Itegelikina bo lolo aijar na biai, kotoma alositike kotoma okinyomit loka akimait, adepar kwape kejaar kotoma okitai. Abu Edeke onyara Iketunga bala kwape ekitai; itei ijo, elosi aijar kwap, toma okitai kosodi abongun bobo. Konye, kotoma okinyokit loka akimait, enyouni aikiar kuju kama ejai atorom nakageunet... kitori neejai atorom, aliliget, ka abokoyat; ido ibore yenatubor ngesi kotoma, atwani, aso mam apedori abongun aitor neejai ngin bobo. Inyobo ngin? Emamei bobo ajokis. Elosi toma aitekoroKe.

Amen! Mam ijo ianyu ibore yenainikini Nges mam itwasamai erionget? Mam epedori abongor neejai ngin bobo. Atwana. Konye Aijar etubor ngaren, anyoun kaneejai ediopel kiton neejai loce. Itei ijo, ibwaikinite kesi italesio, kosodete airupakin. "Ngin yeniyatakini akirot adiopel, arai alemar Akirot adiopel," Itei ijo, igalioro ngin kama ejai Ngin. Ekoto korai Aijar naka Ecokat nges elosi ngaren.

86 Etwasamai eong awaragat na kwana, kanuka Ateran, Aput naitelekarit kakere naejai alomun. Kwape kabu Aput naitekarit kakere kodoio alupok, ejai Aput naitelekarit kakere alomun. Aput naitekarit kakere nges abu kodo kwap ko Pente-...ko Nicaea, Rome, ko Nicaea. Akaulo naka Nicaea, Rome, abu kitorit toma adokena, konye ejai abongun cut bobo neejai Aput naitelekarit kakere, kisitekoritai, naarai erai Ngesi atutubet naka Akirot naenerit Ngesi. Abuni Ngesi ajaun kede, "Ekanisa loemamei akemer karaida asukokinet." Mam ebuni arucokina kedipone kede erionget edio arai ediini, ibore yenikenitai. Etor toma oboro ngul, konye mam cut ebuni ajaun nen.

87 Koany, ejai ecokat alomun, ejai Aijar ngin alomun, mam ejai abongor. Emameun bobo cut ajarun naka lu. Ejai Aijar alomun, alosit toma aitekoro, ajarun.

Koany, abokoyat nges itolomuni e-e...Koany, abokoyat nges itolomuni Ecokat lokageunet kotomake. Kotoma Apukokinio, esulo lokiuniet, idumuni oni nu.

Kwana kiitu, emamei ekanisa ece loaponi kirengearere Nges kinga, kotoma Obaibuli, kotoma Aturio Akanykaarei nuka Ekanisa. Imwaasi bo ai iitunitos ngin? Abu kitor toma Aturio nuka Ekanisa, kanu alosit aiswamaun icebore. Konye, nges Na. emamei bobo icebore. Konye e-e Ekajejan abongo toma aisitegoro bobo, Akiro. Ianyu? Mam ibongori kau. Eipone loitegelikinar Ngin. Eebo. Oo!

88 Ido koany do abokoyat nakelomunia, eputosi kede Ecokat. Konye kegeu Aijar naka Ecokat ajalakin abokoyat, kanu alosit aiswamaun Ecokat (Ateran), engaar abokoyat kosodi arutar Ecokat. Biai ngin edolit? Esube, ngun cut becebec abu ngol kiswama.

Kotoma-kotoma Apukokinio 3, idumuni oni ebe abu Atur naka Ekanisa loka Laodikia kirengea Nges kinga. Kwana, itei ijo, mam abu kiswama kwangin, kokau kotoma aturio nuce, naarai ajai icebore yenabeit aiswamaunio. Abu kotubor atubor kosodi alosit ngaren neejai nace. Alimonok eong yes, apak kere, emamei bobo ediini ece loebunit. Ijai oni awasia. Ido aponi kirengearai kinga naarai (inyobo?) Erai Ngesi Akiro, bobo. Eputos Ngesi Ngin nabu kodo kwap alupok kalaije. Erai Ngesi Aisisianakin ngipengin nabu kolom kageunet.

Ido nakegeunia Icofat yenika Akiro alomun, irengeari abokoyat Ngin kamake. Ejalakini Aijar luce kwi kere, kosodi atupar Ngol. Ngul kes iyuunak lukabeit, etupitos kesi Aijar neelosi Aijar kere.

89 Bala kwape Isirael, aitupuset naitegoro, korai oni ajaatar apak; edeikina eong idagikan idis bon. Konye kotoma aitupuset naitegoro, kotoma ageunet, nginiboisit kere nealosi Epir loka Akim kere ajai Aijar. Erai Edeke nges Aica ngin. Ido mamace arai erai kiding kuare, araibo nat ajaas kesi aiboisit najokan naeseunitai; naekunyakina Epir loka Akim, aruikini arupepe ido ekunyakini Isirael kede Ngol.

Aleluia! Ido nearuikina arupepe, abu Martin Luther ikunyak kede Ngol. Kosodi ngesi araun erionget, abu kotwana...mere ngesi elopet; itunga luapote ekauloke. Kosodi Edeke alemar Aijar kotoma ngol, koyangauni ngaren, abu kiperik ngol kwap ates.

Kolomuni do Wesley. Abu ngesi koany erionget ngol loti, aso abu ngeesi kokutak arupepe, naka aitalaunio, aiyatakinet naka Akiro. Ianyu? Nakeswamaunia ngesi ngun, konyounete alomar kinga, kinga cut-kinga cut kama ejai Luther, cut kiton neejaas luka Methodist.

Ido abu Pentekosit koany Ngin, apotu kokutakisi a-arupepe, erai apak naka abongun naka ainakineta. Ianyu ijo nuapotu kiswamata? Apotu okutakisi arupepe, kosodete alomun kinga. Kosodete araun erionget.

Konye, kiitu, akaulo naka abokoyat, eraas ngun adokena auni nuijeni oni, emamei bobo ibore yenideuna kidimarai Ecokat. Wu Edeke! Koneunete do Ecokat kinga naka ngin kere. Amen ido amen! Kogeuni Akiro naka Ecokat aiswamaun Alopit bon, kitolomunete Aijar kinga naka...Kwana koany, arai abu Ateran, kageunet, nasodit, Ateran...Erai na Ateran ejai alomun.

90 Kiitu, abu Ekanisa kogeu ko Pentekosit, kosodi adoere kwap ko Nicaea. Kolomuni, mere kwape Icofat obe, mam; arai ace kotoma Aijar kotoma kangina, konye abu kolom tetere iswamauni erionget. Kosodi Ngol airiun toma orionget ngol. Ido inyobodo abu Ngol kiswamaun? Kosodi alosit, anyoun kotoma orionget kangol, kolomari toma orionget ece, kolomari toma adoketait ace naka Akiro; aitojokio, aitalaunio, aibatisao naka Emoyo Lokalaunan. Ianyu? Ido kwape alosio aitor toma atorom na ka adokena, abu kinyikok aiyatanakin alosit ngaren.

Kiitu ebe, aturot iyatakina noi, aliliget naedakit aturot ayapikinit aput kede Ecokat adepar kwape keputotor atorom. Ido abokoyat eputos noi kede Ecokat adepar kwape kaputotor aliliget. Konye Ecokat elopet edeparit ngun. Ianyu? Abu bon kitwasam ngun kwape eipone loka alosit, kanu Nges atuboror.

91 Koany, Ateran. Arai abu Ateran, kageunet, arai abu korai Akiro, Eteran; ido arai elemunitai Ateran kama ejai Eteran, ibusakinit do korai Ngin da Akiro. Koany, ibusakinit Ateran korai ngun.

Inyobo, inyobo ibusakinit Eteran korai Akiro kitodiaritai, kisodeleleunitai? Erai naarai Ateran ka Eteran eraas Ipe. Erai bon ngin atutubet naepakunitai naka Ngol. Ngin nges Aput naitelekarit kakere. Aponi kopakunai. Ebe...

Mam Michelangelo abu kopedo aitolomun ngin bobo. Mam apedori ainyakakin ngin.

Konye elosi Edeke aswam ngin. Elosi Ngesi ayangaun Ateran na, naepakunitai, ainyakun cut osiep naka Akiro nakageunet. Ido ngesi Ngol nen, Aput naitelekarit kakere ngin nen, ekal ebonguni bobo toma omanikor loka Eden.

92 Eipone ali elosio Ateran aswam nu? Eipone ali elosio Akimait na aswam nu? Malaki 4 ebal, kotoma apaarasia nukawasia aponio ainyakakin, (inyo?) ainyakar bala kwape ageunet; ainyakar kau! ebal Ejakait ebe, "Enyakakini," "ikar kere luabu ogagul, ka enyede, ka iboro luce lu kere konyamasi. Enyakakini

bobo." Malaki 4 abala, "Ebuni Ngesi ainyakar itauon luka itunga, ka Aiyuun naka itunga, neejaas lukapapa lukageunet bobo," ianyu? Iseseni oni lo cut koingarenwok, Ekanisa. Aibo kijai oni?

93 Kwana, ibuni agolokin kotoma odakikan idis. Akoto eong yesi amisiikin cut ejok noi nuka icebore yenabu kiswamaun eapie.

Malaki 4 erai kanu ainyakun, ainyakun ageunet.

Epakunitai nges kama ejai ekanisa, kama ejai akuan naka ekanisa; epakunitai kede Ekapolonike, kanuka alosikinet kangipekangin. Erai ngesi Akiro. Kwape abu Yosep kotiakarere kama ejaas ikenacan, naarai arai ngesi Akiro. Ido aponi Yesu kotiakarai kama ajaas Ikenacan, naarai arai Ngesi Akiro. Ekanisa da etiakaritai...Etiakunitai Ateran kaneejai ekanisa, naarai erai Ngin Akiro. Ikote nen adokenakon bobo; adiiofet, aarei, auni, itei ijo, cut bec.

94 Akiro, ejari ido kotoma aiswamisioit, Ebaibuli Ateran, mere aceteran naiswamaunit etunganan; Ateran naka Obaibuli, naimusungitai ido isiriebitete Edeke. "Emamei aibuses tetere iseseni Ngin, konye kipou aomitos ebe imusungitai ido isiriebitai Edeke." Edolit ngin. Ebwoi Ngin bon. Etiakunitai Ngin kama ejaas idiinin, kwape kejaar kotoma Apukokinio 3. Etiakunitai Ngin kotoma Atur naka Ekanisa loka Laodikia loetolounio Nges kotoma. Ianyu? Itopolounitai Ekanisa kotoma Atur naka Ekanisa loka Laodikia; ngol nges abokoyat. Konye arai apotu ngul luce kolototo...

Mam kereka yesi ikiliok luko Pentekosit isesenete ngun, arai ediopet loce je abokoyat kosodi atwanare? Arai abu nace (atorom) abu kotwana, arai abu aliliget naedakit aturot kotwana, aso ibusakinit abokoyat da kotwana; adokena auni nuka iriongeta.

Ido kiitu ebe, ibala ijo ebe, "Ijeni ijo, kwana, ajaas aliligen nui pu ikajas kokuju. Ipu nu." Eebo. Ajaas luka Methodist, Baptist, Presbyterian, Lutheran, church of Christ, iboro luce lu kere ludidik luapotu kibirokinos tomake, enyounete ka nginibore kere yenabu ikajakina tomake, konye lukageunet nges aisikwarununeta, kwama, itei ijo.

95 Ebwoi bon, bala kwape Eteran, "loapotu itunga kongerito, komwangai ido kongeroto ikanisan."Ebwoi Ateran koipone kangol. Inyobo ngin? Erai Aput naitelekarit kakere, itei ijo, erai Akiro nges epedori Ngesi aswam kotoma, kanu aitodiar. Ainger!

Aso, atorom, aliliget naedakit aturot, ka abokoyat, mam eraunos Ecokat, mam, konye ejaas apak kere araun kwape Ecokat.

Kwana kotoma apak naka aisak, ebonguni Ecokat toma Aijarake nasodit, abongor Obaibuli. Malaki 4 abala ebe aponio ayangaun koipone kangol. Oo, oo, ikatunga! Ibusakinit kojaatar kere! Kanu ajaut koipone kalo, ekoto kojaatar Akiro kere. Biai ngin edolit? [Kotemari atukos ebe, "Amen."-Ekewa.]

96 Kwana inyobo abala Ngesi, kotoma Apukokinio 10, ebe abuni aiswamaun? Inyobo araar esapali alosit Tucson? Kanu apukor neejai Ekanisa. "Kotoma apaarasia nuka ekiyaka, nuka emalaika loikanyetekaarei, Aisiraret naka emalaika loikanyetekaarei, Akiro kere naka Edeke aponio aitodiar. Aipucet, ngun kere nuajalaki atorom, nuikamunitos inyobo ka kere nuikamunitos Ngin, aponio aitodiar kotoma apak kana."

Biai ngin erai nabala Akiro? [Kotemari atukos ebe, "Amen."-Ekewa.] Kwangin, kiseseni oni ngin. Aso aibodo kijai oni, itei ijo, aibo kijai oni? Ejai ibore idiopet bon, adolu aisak. Ationi cut ejok noi. Ekapakina kwana kanuka Abunore. Komisiik.

97 Mam, mam ebuni cut araun Ngin. Kotoma apak naka aisak, abonguni Ecokat adoketaitKe nasodit, ido ibusakinit kojaas kede Akiro kere, kanu araut Ecokat. Kwana, mam ijo ipedori ajaun kede atutubet naka Ecokat. Mam epedori apolo. Ianyu? Ekoto korai Ecokat kere. Mam ebuni aitodiar...Atemar ebe, "Eyuunit eong aibatisao naka Emoyo Lokalaunan. Aleluia! Eyuunit eong einer kotoma angajepa." Erai ngin atutubet bon naka Ecokat, uh-huh, konye kwana iyatakinitai toma ngol. Aleluia! Ianyu? Aijar, mere ainakineta; Aijar naka ainakineta. Itei ijo, itei ijo nuapeleikinit eong? Ijai oni apak nakawasia, inacan.

Atwana torom, aliliget naedakit aturot, abokoyat, ido aono kwana. Ejai ibore idiopet bon yenebeit aiswamaun neejaas ngun, kes atukokinio kotoma Atukos naka Ikanisan luka akwap kere kanuka aicweariokec.

98 Araun Akiro akuan, cut bala kwape abu Ngesi kisumunikitor kotoma Luka 17, Malaki 4, ka kere, itei ijo, edolit, Apukokinio.

Aijar kere nakabeit najai toma atorom, aliliget, ka abokoyat, ejai kwana atukokin toma Ocokat, ekapakina kanuka ajarun, ekapakina kanuka asakario. Araun Alpa Omega. Amen. Abu losodit awasia, ido losodi nges lokawasia. Ecokat, loabu kolam toma, abu kotoma adokena ido araun Ecokat bobo.

Ecokat, loabu kodo kwap kotoma omanikor loka Eden, kosodi atwanare kangina, abongu. Anyoun karaut ecokat lomam ajok loabu kotwana kangina, abongu erai Ecokat loitekoro, Adam lokiareit.

99 Adam losodit loabu kibiror, kosodete aitwasam kotoma aisiteteunio nakiareit...abunore nakiareit, kwape aitolomun ikoku, kwana araun Ateran bobo, Ecokat, abongun cut kede Akirok nakageunet bobo.

Alpa ka Omega erai ediopet. "Loka-..." Ebalaba ebe, "Arai Eong Alpa ka Omega," mam Nges abu kolim idiobore kotoma akidingos. Uh-huh. "Arai Eong Alpa ka Omega, Losodit ka Lokawasia." Eebo, ipa.

Aijaanakin nasodit ka aijaanakin nakawasia eputosi. Aisiraret nasodit ka na (nakiareit) Aisiraret nakawasia erai ibore idiopet ngipengin. "Arai Eong, abu ajai toma Alpa ajai Eong toma Omega da." Ejaun apaaran naamam ebuni araut apaaran arai akuar, konye kotoma osawa lokatibong ejaun Aica." Itei ijo, Alpa ka Omega, araun losodit ka lokawasia. Oo, ikatunga, inacan, ti oni idau isawan kotoma ngun.

100 Aput nakaumokin naitelekarit kakere naka ekal, Adam lokiareit ka Keba nakiareit, kwana ekapakina kanuka emanikor, Apugan naka ikar Elukumit, amen, abongun toma akwap. Aleluia! Ekajeun lokapolon mam abu kojolak kes apero kanen. Abu kolek kes, kwape kabu kiswama anatar imilionin luka ikar, esubi itunga iarei lusoditluetekoro; kosodete ngul aibiror. Kwana ajaun kotoma olukumin luka ikar, asubi bobo, ido kwana kane ekapakina kes.

Abu Aput naitelekarit kakere kobu kosodete aicum; kosiepiKe abu kolom akopiira.

Ido itolomunitai Ngin kotoma adokena kangupekangun. Kwana kane abongu bobo Ngin; kede esube kere, Ebaibuli, ka nginibore kere, itodie ebe ijai oni ne.

Abilibilunos akwapin, ejai Isirael akwenyun,
Aanyununeta nuadwarit Ebaibuli;
Ekidiokoto apaarasia nuka Imo, (kosesen ber ijo atukos na naka agasia naijaatar
oni), ileleba aridakinio,
Kobongosi, Wu luimwangitai, otungakus.

Edolit ngin. Ekoto ijo alomar tom angina katipet, arai ilosi ijo.

Ajai kwana eong agolokin kotoma nepetai adakikan akny, atomon.

101 Koany aput nakaumokin naitelekarit kakere, naka ekal. Ekiliokit ka aberu mam epedorete araut ekal lokabeit kidimikito erautu ipe. Ejai kes araun. Arai mam kes eraas, mam do kes eraas ekal lokajokan; aberu iriari ediopewai, ido ekiliokit da kowai ece. Eraun ngol ekal lokaronon. Konye kotoma acamanara, kede amin idiopet kayenice, ngol nges ekal. Ido kwana ngin nges arai aput naitelekarit kakere naka Edeke, ido kwana ekal kere lokabeit kane kitodiarit ngun. Ianyu?

Ido kwana abongu bobo ekal loka Aput naitelekarit kakere, Kristo ka Aketeran, ekapakina abunore. Adam lokiareit, Keba nakiareit, ekapakina kwana abongor Okalekec. Ido aput kere arai alakunio. Anyoun kaneajai, ainyakun, itei ijo, ainyakun ngin cut becebec. Akaulo...

102 Apaaran kaya, abwoi eong kokuju kalailo ko Christian Business Men. Luipu kotoma kayesi, aomit eong, ajaas ngina. Neabu eong apupunia esasedoti loka Lutheran, arai ekalimonokin, arai loemitai araut, enyouni aibwo kangina kosodi alimun ibore yenileic, kosodi akenar ibore yeniyuunit oni. Ido itunga luka Full Gospel Business Men ajaut kede etunganan ngol ngina, kosodi einer ngun. Anapit ngesi akolake kibeloro. Luipu kotoma kakesi iswamaete ngun kwana. Kosodi ngesi atemar atiar, "Kwana, kingisingisete eong itunga ebe ibore yenebeloritor eong akakola, ebalaba, 'Eipone ali etiakuniata kesi ijo kama ejai esasedoti loka Atulik.'" Ebalaba, "Emamei aitegelikinet, ido mam ebeit kojai." Ebalaba ebe, "Irai oni kere idwe luka Edeke." Ebalaba ebe, "Ajani eong esasedoti loka Atulik loejai aiboisio kere, itei ijo, loepedori ajaut adioboisit kere."

103 Kwana mam ijo ipedori araut loijai nginiboisit kere komam irai loijeni nginibore kere. Mam Edeke erai loejai nginiboisit kere; erai Edeke loejeni nginibore kere. Ejeni nginibore kere, nges einakinin Nges araut loejai nginiboisit kere, ejeni iboro kere, ido ajani ngul koroko e...Ajani, eroko akwap egeunia, icuc imwaasi ai, ilac, icwaran idi, irwan imwaasi ai kirwakanakiniata akonyekec, ka idiobore kere yenikmunir ngun, itei ijo, naarai ejai Ngesi aiboisio kere. Mam ijo ipedori araut loijeni kere-loijeni kere komam irai loemamei ageunet ka esange. Ido ejai ibore idiopet bon yenemamei ageunet ka esange; Edeke. Amen! Ido oni...

104 Inyobo ngin? Erai ajokit, eyangari kesi cut kaitebeikin toma aario. Ngolidiopet kotoma kakesi ejai alomar toma, cut becebec nuabala Ebaibuli. Ido ejaas ne kwana, itei ijo, alomutu cut toma akidingos naka itunga luko Pentekosit, kosodi airiun kesi cut kaitebeikin kwape...Ikoni bo lolo apak na ai!

Oo, akaulo naka ajenanut kangin, abu icetunganan katema eong atiar...Eong...Eong...Arai ibore yenajok ebe mam eong abu alim nuipu, naarai aticepak ti kes ayangasi eong kuju lai je ojera. Konye abu eong aoomoo ebe, "Ikoni nen."

Itunga luisisianakitai, ejenete. "Ejenunete lukacoa ekecedeke, kotoma apak kangin," elimunitai ngin kotoma Daniel. Eebo, ipa. Itei ijo, "Ejenunete lukacoa ekecedeke." Engicakinitos kesi iboro lu.

Konye neanyunia eong ngun iswamasi, ido kobwoete itunga ngul luko Pentekosit kangina kede ngol!

Karaida Oral Roberts abu kosesen eong koipone kangol. Eong ebe, "Oo, ikatunga!" Uh! Konye kobwoete kokuju kangina kede asioman, lukacoa, ijeni ijo, kaceda.

Mam erai kwangin itemonokina Edeke Iketunga. Mam Nges itemonokini Iketunga kede asioman. Itemonokini Ngesi kotoma aitidisiara, kotoma-kotoma apedor naka Akekirot naitodiaritai, kitoduni esubune loka Ecolat loabu ngol kolomunite kotoma.

105 Kwana, abu icetunganan katema eong atiar, ebala, "Onac Branham," ebala, "ejai ibore yenimam eong apedorit amisiikin yenikamunit ijo."

Eong ebe, "Inyobo ngin?"

Abwoi kokinga kangina kotoma togo...aomit eong, Inac Dauch ka ngul, akaulo naka eong aiyogaiikin kede Bill, ido abwoi kangina; kosodete kere alosit osooda, ka abunget kere naka itunga. Abu ejaanakinan koridun toma, ibelorite akolake naka esaati, ebala ebe, "Inyobo duc isurwonokina ijo itunga?" Ebala ebe. "Iyuunitos itunga ijo kwape ebulesit loka Edeke, ido korai loyapaara ido ojijim nekec, ka nginibore kere." Ebala, "Kanginipak neapupunio eong ijo inyouni aibwo, isurwokinit ijo angor, kanuikamunitos ajaut kede itim lueuriaka, ka kanu ainap ipalei luuriesik ka aicul awat, ka iboro luce lu kere; kosodi asurwonokin itunga, kosodi alimonokin kes eipone loelilimotor kesi ido koraas luka einono ido kijalijalas." Ebala, "Inyobo iswama ijo ngun?" Ebala, "Eminas itunga ngul ijo. Eipone ali kipedoria ijo araut okoku loka Edeke loimina kosodi aswam ibore kwape kangin?"

Abu eong aomoom ebe, "Ejakait, ber eong abongok etunganan lo lokacoa. Ianyu? Koinakinai eong abongok nges, kanenice, ebuni ngin aikajakin nges aunoke elopet." Eebo.

Abu eong atema ebe, "Ijeni ijo," eong ebe, "lokapolon, ijo isiomitor nuikamunitos ekatoloman emiusik lokaumokin loanyaritai...ekapwakan ikososio loanyarita Beethoven?"

Ebala ebe, "Oo, abeit cut, asiomitor eong nuka Beethoven."

Eong ebe, "Abu aticepak ngesi konyilinyil apapulai nuedaunitere aitwasam ileleba adoobolo, konye abu koinak akwap aput naitelekarit kakere." Mam abu kongaa akeitik kosodi alimun acekirot. Abu eong atema ebe, "Neajaar ngesi iboie kotoma aisisia kokwap naka aisinyikokinet, ewadikai ngesi icebore. Apedori ngesi alosit toma aisisiake kosodi ailip. Arai mam arai ibore yenadolit, anyilinyilari ngesi ngin kosodi acakakin toma adoobolo naka agasia. Konye neangetakina ngesi, kotoma aisinyikokinio kere, ajaatar akwap aput naitelekarit kakere."

Oo, eipone loewania Akirot, konye itolomuni aput naitelekarit kakere; uh-huh, elemari abokoyat kere ka atorom awai. Itolomuni Aput naitelekarit kakere.

106 Kijaar eong idakikan ikanyaaree kanu alimokin yesi icebore yenabu kiswamaun apaaran eroko bian, kanu alomar kinga toma apak. Olap loikanyetekaaree auni, ajai eong lailo eboie kotoma...agwelanaret na kalailo, aiboisit naegwelanarere cut kokinga kama ijai oni kalailo. Ajaunar eong Pigalle, Rome, France, ido ajaunar eong Oibuga lo New York, Los Angeles. Konye atukos naka angor nuemunaara kakere nuaanyunitor eong kotoma ajaraka ejaas Jeffersonville, Indiana. Mam eong aanyunitor aikamaret kwape kangin naka aomisio ka amunaara kwape kangin kotoma ajaraka kwape kasesenia eong kakidingos naka itunga kangul. Abu eong eboi kangina kiton ekatau airieb, kosodi Ejakait ainakin eong aitapoet.

Kwana alosi eong alimun aitapoet. Mam eong ajeni arai apedori eong aijul ngin, konye alosi eong-eong alimun aitapoet kanuka irwana nasodiitika.

107 Abu eong aloma toma aikamar kotoma aitapoet. Ido, nealomaria eong, ajai Ecetunganan keong. Mam eong abu kaany Etunganan ngol. Arai Eporoto bon. Kosodi eong-eong angolongol. Ido kwape angoliara eong-eong lailo, ebala ebe, "Ebuni Ateran atakanun kanuka arereo."

Kasodi eong aanyun, ebunit mamakang, kasodi eong aanyun atukos naka angor nuebusiak kakere naka agor nuanapitos anapito naalai noi naanyunitor eong kotoma ajaraka. Konye nginidiopet kakesi, aputos bala, anapit koipone kalo itegelikina. Ajaatar kere itim luaojak. Ido anapitos igoen luaojak akanin ka isikaatin, kaceda. Angor nudidik, asubitos bala, ti eong atema, nepetai aticepak ikar akaisaree.

Kwana kijaar eong Bible epukorio kane koingarenaka. Ianyu? Apedori bon eong alimun nuaanyunit eong.

Arai ibala ijo ebe, "Inyobo iseseni ijo?" aseseni eong esawa. "Inyobo imoot ijo?" Amoot eong itunga. "Inyobo iseseni ijo?" Aseseni eong Ebaibuli. Ngesi ngol. Enera eong Abeit. Ngol nges aseseni eong. Ido apedori bon eong alimun ibore yenabu eong kaany. Mam eong-mam eong ajeni ibore yeni...kere nuikamunitos ngin. Ejai bon eong alimokin yesi.

108 Konye, neabu Ateran na, aseseni Ngin cut neajai...Loeneras keong, ido ajai eong, kibwoi nepepe. Akekonye, arai Ngin naalai kakere, itunga luatakanete bala luejijim kakere luanyunitor eong kotoma

aijaraka. Asubit bala apedori korai itomon ka luaarei, arai adepar, bon...Mam eong ajeni arai imwaasi ai ajaas osiep, konye ajaas kesi toma atukos naka ngul. Kosodi Ngin atubor, kajijim, kede ekwam. Ido ikiara akekonye kuju, koseseni, kwape katuboror. Oo, arai Aberu naebus! Abu eong asesen Ngin, ido kwape katuboror Ngin. Ebalala ebe, "Kwana ibuni oni aingic..." Ebalala, "Ateran nges Ngin."

"Kwana ibuni oni aingic ikanisan." Kosodete kesi abunore. Abu eong kaany kes epote. Ido nakeponiata, nginidiopet, asubit bala, eyatakinit amunaar. Mam eong aanyunitor atukos naaronon kwape kangin kotoma aijaraka.

Ido neatemaria Ngesi ebe, "Naetupakini," abu eong apup aruo. Kosodi atemar, "Naetupakini," ebalala, "kobuni atukos naka America."

109 Kwana, arai eong etunganan loka America, konye abu na-na ainak eong adekakin, mam eong apedori alimun ejok kanu, kotoma osipan loinyalal, alimun nuajaas alosit ngaren. Eong-eong-eong...Ido ebuni ayangaikin ijo aisiom kiding naka ikokoron. Konye neaponiata angor, angarenonikec arai acudan. Ajaatar akume loti laojan ka akituk nakapolon nati. Ido ngun kere anapito eceipone loka igoen luka okwap kane; konye kokuju ajaatar ibore yenerapit, ngin, mot, nepetai ibore yenerapit atutubet naka inch naalosi kuju kirmorite kes kwana. Ido nginiberu kere ajaatar icebore kotoma ainapeta...

Luipu kotoma kayesi, ikar kau, iitunitos neatapitor oni aitub apapula ngin, ijenete yesi, apapula naka iyemuto, kasodete aismamaun ibore yenepororetoi okitui? Imwaasi bo ai kiitunitos ngin? Ijenete yesi. Inyobo, aomit eong ebe itwasamao ngin kotoma opucinio, ijenete yesi. Iledosi okwap koipone kangol, koburitete kede apapula, apapula naeburere.

Ajaatar kesi icebore yenadongakina kwapukey, koipone kalo, yenadongakina kwapukey. Aiboisit na kere adelelei.

Ido aloseite kesi kede apapula na, ido, anapitos erono! Kwana, arai apapula nges arapit ngarenekec. Konye neatubotor kesi abwoetai naka airereo, kokaukey...Ido asesen eipone loalosito kesi ngaren, koingarenekec ka kopurianakec, ka eipone loeswamata kesi!

Abu eong atema ebe, "Biai Ekanisa kereka ngol?"

110 Kosodi anyoun alosit. Ido ajaas awoere ikososio luka etwisit ka aibelonokin, ijenete yesi, arai idiobore kere yeninyarito yesi ngol, kolosete kwap, kowoete ngol, ido kolosete atubor.

Abu eong atema ebe, "Biai Ekanisa kereka ngol?" Ido ajai eong abwoi kangina, ido kotoma otauka ajai eong aimony.

Ido, acudan na, kaneejai akwapuka mam erai idiobore kere kotoma akwap dimarai erai ngin a...Erai aberu ngin Atukos naka Aimorumorun naka Ikanisan luka Akwap kere, ingarenikit kes cut kaitebeikin korot loajai ngin alosit. Apotu kopaasi awai kediany, kosodi aolior kotoma aitolitholuna; oroko erami emiusik ido itolomununei aruo naetegelikina, ido ijangete akecewat, esiep ediopet kosodi esiep loce. Kosodi do, koipone kangol, kinyikokinitos alosit ngaren koipone kangol, kolosete.

111 Kasodi eong ageun aitulur akakou kwap, kasodi Ngesi atemar eong atiar, "Kidareu, ebeit Ateran abongun bobo."

Kasodi eong asesen, kosodete kane abongun bobo. Kosodete atubor, amucalan nudidik nuebusiak noi. Kesi kere asesenete eong, kwape katuborotor. Kasodi eong aanyun ebe nginidiopet kakesi anapit kitegelikina. Ido adiopet najai kau ajaatar eipone loka itim luaojak iledos kiton kwap, ido koenikitete koipone kalo. Kasodi eong; apedori aticepak korai nako German arai icebore kwape kangin. Kasodi eong asesen kes.

Ido kwape ageuniata ainyoun alosit, aarei arai auni kakesi, kokaukey, asubitos bala akotos anyoun korot, ido abeit ti eong aiworokin kes. Ido atamitos kesi abongun orot bobo. Kasodi eong aanyun, kodaun aitapoet kosodi aijular, kamakang.

112 Kwana na nges aijulunet naka ngin. Apolou...Kwana, kiitu, arai eong alomar toma aiwadik ngipengin...mam eong angetakinit, mam eong ewadikat akiro ngun ber. Konye kotoma alimonokin, atupuruc na, abu eong adum nuarai ngin, cut kotoma alimonokinika. Ijo abu komisiik, ekanisa bon abu kotakan...

Kwana, erai ngin Abeit, ipapero. Papa, Lokotoma Akuj, Loewadikai Akirot, ejeni ebe enera eong Abeit. Ianyu? Ajeni eong enera eong Abeit.

Ido mam eong abu ajeni ngun idakikan idis kau, asubit bala, arai eapie pac, itei ijo. Yesi apotu komisiikis? Abu Ebaibuli kotakan irwanaarei; Ekokat losodit ka Ekokat lokiareit, kes kere iarei becebec cut arai Ediopet ngopengol. Ido apolou naete...etanapitai kes kotoma atutuben nuegelegela, ebuni Ngin alomun kotoma akwapin nuegelegela, ebuni aitolomun Ateran. Nginidiopet kere ajaatar itim luaojak, ido komam eculitos awat, ido koraas teni apesur nuebusiak abeit. Ido ajaas asesen eong. Abwoikinit ngin

Ateran elomuni kotoma atekerin kere. Ianyu? Ngin, nginidiopet kotoma kakesi abwoikinit akwap, kwape kalototor ejok kotoma okokoro kede Akirot. Ianyu?

113 Kosodi do, ejai eong asesen Ngin. Ebuni anyoun kinga naka erot kede Akirot ngin arai mam eong abuni angicakinit, neejaar Ngin atubor, arai ketubor. Aticepak ebuni araun akapak, arai adaun eong, itei ijo, kangetakin eong, arai idiobore kere yenerai ngin.

Inyobo? Ajaas kesi abongor. Kotamitos kagogongukec kere, ido ajaas aibong kau, alomar okokoro; naarai, asesenete kesi-kesi nenice, asesenete ekanisa loabu kolot toma aigurokina. Konye iarei... lukoingaren, mam cut. Lukokau, iarei arai iuni kakesi, asubitos bala apotu ikunyasi kinga mot osiep lokoteten, ido asubit bala ajaas atamit abongun okokoro kwape katuborotor. Adaunitos kesi atubor kamakang, oo, kolwaka bala kwape anyoun kane kiton arwatata, adepun eong. Ido ajai eong abwoi kangina. Kasodi eong aanyun kere elomarete kinga kosodete anyoun.

Konye, koany, abu ekanisa kotakan irwanatipet bon, nginikwap, ekanisa. Konye abu Ateran kolom toma irwanaarei. Itei ijo, itei ijo nuarai ngin? Kwana, mam eong ajeni ngin, konye kosesen ngin kede Akaisiraret atupuruc na. Mam eong ajeni ngun. Ianyu?

114 Abu Ecokat kodo toma alupok ko Nicaea. Arai ngol Ecokat losodit. Ido ejai Ngin aitorun toma adokena nuka idiinin kalu, luetakanunete irwanatipet bon. Konye ebongoni kau bobo kotoma apaarasia nukawasia. "Enyakakini." Itei ijo." Itei ijo, itolomunio Aput naitelekarit kakere. Ngin nges apolou atakanunia Ngin, kanu airereo, irwan nakiareit. Aponi Ngin kirereo irwan nasodit, kosodete Ngin airere irwan nakiareit. Ido etekoro Ngin, irwana nakiareit, kwape ajaar irwan nasodit. Wu Edeke, kitimoi! Kisuburik, kisuburik, Aijar, koloma toma Ocokat, katipet noi! Uh-huh.

115 Luce kere mam apotu kotakanutu bobo. Apotu kolomasi kinga, mam apotu kobongutu bobo.

Konye abu Ateran kobong, naarai arai Ngin Alpa ka Omega. Edeke, Ekajejan lokapolon abu kiswamaik Nges Aput naitelekarit kakere, naarai erai atutubet naka AputoKe nasodit. Kwape abu kiswama kotoma omanikor loka Eden, kosodi alemun atutunet kama ejai, kosodi aismamaun atutubet ace ido aponi kimorikikina kosodi aibiror, eipone loajaar Ngesi apak na kere adukun ngin bobo. Kosodi Ngesi aitolomun Aput na naitelekarit kakere, kosodete aicum, tetere...Atutubet ngin naaponi, kicumai arai tetere ainyakun bobo Aput ngin, bobo.

Aso, Aput naitelekarit kakere ka Okoku loka Edeke, Aput naitelekarit kakere ka Ateran, ido erai atutubet naka Ngol, naebeit korai aitodolikinnet naka Akirot. Etodolikini Akirot, ido ajaas ekapakina kanuka Abunore naka Ejakait.

116 Wu Ekanisa loka Edeke lokajaran, kitulurwoto ikusitauon ka akusi-akusijar kakonyen nuka Edeke. Eraas akiro nu abeit. Ajeni eong ebe esubit ngin bala ikoni nen, kwape ibore yenepol noi kwape ebeitor ngin araut, abuni anyanyar anatar akwapin kere. Mam cut arai kwangin. Mam Nges ijulanakini Ekeipone. Kiyalamikinos, Ekanisa, kiyalamikinos ebe ijai ijo nen neijai lolo arai ijai ijo toma Kristo. Naarai, itei ijo, kwana, ido neabu ngin...

Kiitu, kere ebe ebuni Aijar atukor abongor toma Ocokat, kanuka ajarun, konye ibusakinit atorom kicwearai. Luce kere; abokoyat ka kere, ibusakinit komudiarai, ido eponio amudiar. Mam imunokin ikoni, idiinin ngul. Kosalak toma Akirot, Aijar, Edeke ka Akeput naitelekarit kakere.

Inyobodo erai ngin kotoma Apugan naka ikar elukumit? Edeke kede Aketeran, kokau kotoma omanikor loka Apugan naka ikar elukumit. Amen!

Amina eong Nges, amina eong Nges
Naarai abu kageu amin eong
Kosodi aitac akaitajario
Kokitoi loka Okalvari.

117 Nen nges aponi kicumere Nges. "Kipou aomitos bala imusungitai Nges, imusungitai Nges Edeke, ido kisiriebitete. Konye aponi Nges kimusungai kanuka adikanaretawok, komacarai kanuka amamus adolitewok."

Biai ejai kereka ice ne, atupuruc na, yenemamei kotoma Ocokat atupuruc na? Ido kwape ejaar aijar kwana airiun aketutubet nakawasia kama ejai abokoyat, naarai ejai abokoyat aonore. Imwaasi bo ai ejenete ebe ejai ekanisa loka Pentekosit aonore? [Kotemari atukos ebe, "Amen."-Ekewa.] Inyobo ngin? Ejai Aijar anyoun kotomake. Kaitebeikin, anyou. Ido arai edaunit Ateran atakanun, mam eong ajeni arai mam Ateran edaunit akapakin, do. [Kogeuni Onac Branham aingurunguro, Amina eong Nges.]

...amina Nges, amina eong Nges
Naarai abu kageu amin eong
Kosodi aitac akaitajario
Kokitoi loka Okalvari.

118 Kede awokokwes kituluritete kwap kwana. Ejai kereka ice ne yenipuda aitunio? Arai ipupi ijo ebe mam ijo...

Ipapero, idelelei noi. Mam eong adumunitor aitapoet kotoma aijaraka, dimikito kiswamaun icebore, atupakin. Enera eong Abeit. Irwan nuce nu kere, arai enerit eong Abeit, etogogong Edeke ngin. Akepolou enera eong Abeit irwana na.

Mam eong ajeni apak naijari oni kotoma, konye ajeni eong ebe emamei ibore yenideuna. Mam ti ejaun ekapugan loepedori anyoun aiteten iboro lu. Epugae, akwap adan. Wu Edeke! Yesi ipedorete-yesi ipedorete aidulokin cut toma ejok kanu-kanu-kanu apupun ngun. Adaun akwap; mere akwap, konye akwapisinei. Erai na atukos najokan kakere, ido adaun. Kosodi arai edauna akwapin, adaun bodo akwap. Ido ikanisan, kaneejai eong, arai Pentekosit nges ajokuna kakere loejaunar, konye adaun.

Wu Edeke, kitimoi isio!

119 Arai mam ijo ijeni Nges, kisunyak atipet, kisunyak. Arai ipupi ijo Aijar, kolom kinga naka e...kolom kinga naka adiakarikon, kolom kinga naka ibore yenijai ijo toma. Koloma toma Ocokat, katipet noi. Itwanikini ijo toma atorom, arai toma aliliget.

Kilip, kwape kiwoio kwana. "Amina eong Nges."

Ijo do ikamunitos akiro kwana. Imameotor oni ediini, emamei idiobore. Kijaar oni Kristo. Isukunyunitai ijo aima Nges, kede isio, kiton neebunio Ngesi. Mam isio ipedori aibwaikin ekonikilor toma oitabo; kimameotor oni iitabon. Ikoto isio ekonikilo kotoma Oitabo loka Aijar. Ipedori bon ijo aswam ngun kotoma Aurio. Mam kereka ijo iswamauni ngin kwana? Kilip Kristo kanuka Aijar nakitetet, ayangaun ijo toma, kibwaik ekonikilor OitaboKe arai emamei. Kwangin ipedori do ijo aimor edicane kasio, ti isio kiminak ajaut kajo.

120 Wu Edeke, kingarak ngitunganan kwana ayanagaikin aingic, aanyun arai ijai isio tomaKe. Abu Ijo komin isio. Aponi kicumi Ijo kanukosi, ido kipou aomitos ebe imusungitai Ijo ido kisiriebitai Edeke. Elipit, Edeke, ebe inyarauni Ijo nginidiopet. Ejakait, kiner neejaas ikadwe, luminanaka, ikapapero. Koinakinai ngin, Ejakait, kwape kwana, kotoma Okiror loka Yesu Kristo.

Mam icamakini idiotunganan kidar adaun aojau, Ejakait. Etakani bala eapie noi. Abeit cut ationo araito. Aibumakina nakapolon naka Edeke ebuni apiar akwap adiopet kotoma apaarasia kanu, epote anya aipor ngoliwai; konye Akima eponio atukokin toma odula, koyangarete kuju, naarai komaKe nges ejai Aijar. Koinakinai, Ejakait, nginilipa kobongokinai, kanginilip kitodiarai kakonyeneKon.

Elipakini eong kes, Ejakait. Elipit eong ebe emameun idio kakesi yenejai ne yeneoliori, Ejakait. Eboioto kesi-kesi-kesi kokwap ationis; itekerete kesi-kesi-kesi imotokan adaun akwat nuka amairon. Ido idiobore kere yenejai isio eipud, koinakinai isio, Ejakait, idiobore yenejok kanukosi, Ejakait; mere yenejok kakonyenekosi, konye yenejok kakonyeneKon. Ikoto isio aibwo kwape abekot naepwasitai naepwatunitai, naesurwokinit Edeke, tetere kigwerio isio kama ejaas adikanaretakosi. Ido ainakini eong ailipaka kanuhec, Ejakait.

121 Mam eong-eong-eong ajeni eipone loilipet. Kinera-kinera isio kede Edeke Lokapedor. Ido etunganan ali ejai ngina, etunganan ali loerai loetwani loepedori ainakin eipone ailipa naejok kakonyen nuka Edeke Lokajaran? Konye, Ejakait, ekalimunune loka akiro lomam ibecokina, ka eka-ka ekalimunune loka ikiroria ka aiboisio kotoma-kotoma aiboisit nakaronon; arai ibu Ijo kopedo amisiikin akiro nuka ABC nuka itelepata yendidid kapaaran adiopet, kosodi-kosodi aiswamaun ekokoro, ipedori ijo alemar akakiro kosodi asesen ibore yeneyuunit eong, Ejakait.

Eyuunit eong Ijo. Eyuunit eong Akirot na. Ido eyuunit eong kanuka idiotunganan kere kane. Ido ajai eong-eong ayangaun kes neejai Etem ngol, Ejakait, kanuka aiyuun, neejaatar Aokot nuka Okokuke Yesu, kidingikosi ka Yawe Lokapolon. Ido epote Aokot einer kanukosi. Neabu Ijo kicumia Nges ko Kalvari, ibu Ijo kotema atiar, "Kiner!" "Kiirasi Nges!" "Ido Aokot," abala Ebaibuli ebe, "Ineras adepar aokot nuka imerekek kotoma Aitutuket Namojong, naarai ineras Aokot nuka Yesu Kristo adepar aokot nuka Abel; akiro nukapolok." Ido kiner, Ejakait, alakunio kanukosi, kwape kiworo isio kotoma Aokot.

122 Papa lokapolon loka Aijar, ibwaikinai isio da, Ejakait. Arai-arai kidiakarit, kolema ngin kotomakosi. Mam isio ikoto ajaut kwangin, Ejakait. Mam erai alosikinetekosi.

Ido imisiik isio ebe ijari isio kotoma orot loerono kwangin, loemutono. Kwape kilimunitor kageunet, ijai isio alosit adokar kuju moru, etoritosa aiboisio nugwayam. Emutono erot, konye ijai isio aitemokin Aica. Kaanyutu isio, aikunyakinet kiton aikinyakinet, kwape kilosio kwana; kiton nakiriamunor, bala aikuny naka ikalotok, kiton awasiake isio adolore kuju naka Erongat. Kingarenikinai isio, Wu Ecokion. Yawe lokapolon, kingarenikinai isio kede Emoyokon.

Ido ijeni isio ebe ilwaka isio kama ejai aput naitelekarit kakere; konye iseseni isio neepakunitere isio,

Aput alopèt naitelekarit kakere, ido kotomaKe kibwaikinit isio amun. Koyangarai isio neejai Ngesi, Ejakait. Koinakinai, Ejakait.

123 Kitangal itunga lukadekak kane, Ejakait. "Kipou aomitos ebe imusungitai Nges ido kisiriebitai. Konye aponi kimusungai Nges kanuka adiaakanaretakosi." Aponi kicumai Aput naitelekarit kakere naka Edeke. "Ido aponi Nges kimusungai kanuka adiaakanaretakosi; aponi kitangaleun isio kanuka imacariniKe." Kitangal lukadekak, Ejakait, Koinganerekon naka Edeke kwana, kwape kijenia ebe ijai Ijo ne.

Kitalau ajarakosi, itauonokosi, kama ejai aronis, aomisio kere nuaronok, einer kere lokaronon, iboro kere lukaronok. Kiteseggarai isio. Ido ilipit isio, Papa, ebe ibuni ijo aitangal akosidekasia, kosodi ainakin isio anyoun kane apupete ebe irai isio idwe luitalaunitai. Ido kede Aokot kamakosi, kinera isio kotoma Aokot, Akirot. Koinakinai ngin, Ejakait. Kilipi isio Kokiror loka Yesu Kristo. Amen.

124 Papa Edeke, neejaas iitabalan lu, kinyonyok kes kede Ajakutukon, Ejakait. Kojaun Ajakutukon kede kes neelosete kere. Ibore yenidokokinio kes kere, toma akuan naedeka, kongaleutu ngul. Ka idiobore kere, arai ejai ekal loetiakak kanenice, kitupucik ngol, Ejakait, Ekajejan lokapolon. Koinakinai ngin, Ejakait.

Inyongunai isio, kosodi aitarauun isio odwe ka adwe nuka Edeke. Iyuunit isio ebe ejai Ateran adumun aketalaunio nakawasia. Eponio apakun kama ejai erionget loengetakina, kere, kojaun do aisak nakapolon. Kition apak ngin, Ejakait, koinak kes koraas luangaleete ido kiyalamasi aijaanakin Ijo. Kokiror loka Yesu. Amen.

Amina eong Nges, eong...(Yesi iminas Nges abeit cut?)
Naarai abu kageu amin eong
Kosodi aitac akaitajario
Ko...

125 Kwana imisiikinitos yesi kanukiinyo asurwokinitor eong yes? Mam ngin erai naarai ebe mam eong amina yes...mam erai ebe naarai mam eong amina yes. Amina eong yes. Akoto eong Aput naitelekarit kakere naka Lokapolon. Aticepak eyangaikini eong anyilar ice awai koipone kalo, konye abuni eong ajaun kede Aput naitelekarit kakere, ace kotoma apaarasia kanu, arai kedar eong ngin cut kotoma Akirot kana. Eebo.

Kwana abala Yesu ebe, "Kwangin ejenunete itunga kere ebe iraaas yesi Ikesisiakaka, nakijaatar yesi amin idiopet kayenice." Ibusakinit oni aminanara noi idiopet kayenice!

Kisirengitete aono naeyenikini
Iwokotauon kotoma amin naka Ekristayone;
Eidicane loka aomisio nuka inacan
Eputos bala ngin nakotom Akuj.
Etingata akanin nuka idiopet kayenice.
Apak nakitiakar oni
Einakini oni apipil nakotoma;
Konye ibuni oni asalakinit irucokina kotauon
Ido imuno airiamun bobo.
Kouparos kede Ekiror loka Yesu
Ikoku yenika aiturur ka ican;

Einakini ijo aiyalama ka ainapakin,
Koyanga neilos ijo kere.
Ekiror loketiai, Oo, eipone loejjimar!
Amun naka akwap ka aiyalama nakotoma Akuj;
Ekiror loketiai, Oo, eipone loejjimar!
Amun naka akwap ka aiyalama nakotoma Akuj.
Kwana kiitu, kotoma osapaali:
Kouparos kede Ekiror loka Yesu,
Kwape ebuku kama ejai nginilangir kere;
Kilukutu ijo aitemisio-...(Inyobodo iswamai ijo?)
Kiyengak Ekiror ngol lokalaunan kotoma ailip.
Oo, Ekiror loketiai, Oo, eipone loejjimar!
Amun naka akwap ka aiyalama nakotoma Akuj;
Ekiror loketiai, Oo, eipone loejjimar!
Amun naka akwap ka aiyalama nakotoma Akuj.
Kition nakiriamunor!

Ketulurwoto awokokwes kwap. Oo, amina eong awoere!
Kition nakiriamunor kakejen nuka Yesu;
Kition nakiriamunor! Kition nakiriamunor!

Kojai Edeke kayesi!



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7